


泰山志 七 16

金石


ル 5
3548
7



門 五
號 3548
卷 7

泰山志卷第十六

朝議大夫山東泰安府知府休寧金棨纂輯



金石記二宋

靈巖寺禪師珣公塔銘

正書 在靈巖西北塔院

咸平二年九月

夫日中則昃月口乃虧喻生滅之不停等輪迴之無定是知數有蹇足天無阜白一真之境未臻四天之軀何息即有歿而不朽者其茲謂與上人俗姓張氏法諱延珣家自全齊生口歷下幼而迥異長而復英意捨口口口口空慧依靈巖山寺主僧志雅以為親教方袍圓頂稟戒持心

而後遷入郡城別居蓮宇爲佛地之棟梁作金田之綱紀
口徒作德士庶欽風轉口口經一口誦維摩經一千卷課
金剛經五萬卷猶是廣神慶讚大集人天勝善克敷良緣
是植享年六十六非口口疾而奄口矣門人瓊因等師資
義重法乳情深念訓誨以有成在孝思之無替建茲卯塔
使靈骨以有歸述彼嘉猷表華門之不墜刊此貞珉之石
口不昧于千齡旌其威德之名冀揚芳于天口時

大宋咸平二年歲次己亥九月庚辰朔十八日建寺主講
上生經本寺大雲寺主僧開元人口主僧小師念法華口

靈巖寺尊勝經幢

正書 在藏經殿

景德四年

登泰山謝天書述二聖功德銘碑二

篆額 御製并正書 一在城南門外

在山頂德星巖磨崖

大中祥符元年十月

登泰山謝天書述二聖功德銘 御製書并篆額

朕聞一區宇而恢德教安品物而致昇平此邦家之大業
也考茂典而薦至誠登喬嶽而答純錫此王者之昭事也
結繩已往茫茫而莫知方冊所存章章而可辨罔不開先
流福累洽儲休長發其祥永錫爾類故能禋祀上帝肆觀
羣后追八九之遐躅狗億兆之歡心是以武王勦獨夫集
大統而成王以之東巡高帝平三猾啟天祿而武帝以之
上封曩以五代陵夷四方分裂嗷嗷九域顧影而求存口

口萬民籲天而仰訴不有神武多難何以戡不有文明至治何以復恭惟太祖啟運立極英武聖文神德元功大孝皇帝積慶自始受命無疆歷試于艱難終陟于元后威靈震疊元澤汪洋無往不賓有來斯應濟民於塗炭登物於春臺俾乂萬邦成湯之甚盛咸宣九德文王之有聲啟運于前垂裕於後太宗至仁應道神功聖德文武大明廣孝皇帝洪基載紹景貺誕膺如日之升燭于率土如天之廣覆于羣生人文化成神道設教尊賢尚德下武後刑金石之音明靈是格玉帛之禮蠻貊來同書軌畢臻典彝無闕上元降鑒虞舜之溫恭庶民不知唐堯之於變重熙之盛冠絕于古先增高之文已頌乎成命逡巡其事謙莫大焉肆

子冲人獲守丕構其德不類其志不明弗克嗣興罔識攸濟屬以陽春屆節靈文錫慶由是濟河耆老鄒魯諸生啟予以神休邀予以封祀不遠千里來至闕庭朕惕然而莫當彼確乎而莫止俄而王公藩牧卿士列校獻封者五上伏閣者萬餘以爲景命惟新珍符紛委不可辭者天意不可拒者羣心天意苟違何以謂之順道羣心苟鬱何以謂之從人是以登介邱成大禮敦諭雖至勤請彌固竊念乾坤垂祐宗祏儲祉導揚嘉氣僅洽小康唯夫疆場以寧于戈以息風雨以順稼穡以登無震無驚旣庶旣富皆天之賜也豈朕之功歟雖則告成功紀徽號非涼德之克堪也然而序圖籙答殊贖非眇躬之敢讓也天孫日觀梁甫仙

間五嶽之宗萬物之始升中燔柴舊章斯在繼成先志懿
範遵已定之經祇事園邱嚴配肅因心之孝於是詔輔臣
以經置命羣儒而講習給祠祀者罔有不至供朕身者無
必求豐故玉幣犧牲朕之所勤也羽儀服御朕之所簡也
精意篤志夙興夕惕誠明洞達顯應還彰自天垂恩正真
親臨於雲馭奉符行事子育敢怠於政經粵以暮秋之初
恭饗清廟告以陟配孟冬之吉虔登岱宗伸乎對越奉實
籙於座右升祖宗以並侑禮之正也孝之始也乃禪社首
厥制咸若于時天神畢降地祇畢登盼蠻可期奠獻如覩
其薦也雖慙乎明德其感也實在乎至誠亦復酌鬱宮之
前聞遵甘泉之受計百辟委佩五等奉璋肆眚施仁舉養

勅治稽考制度採摭風謠文物聲明所以揚二聖之洪烈
歡娛慶賜所以慰百姓之來思蓋又兩儀之純嘏七廟之
餘慶邦家之盛美蒸黎之介福豈予寡昧所可致焉唯當
寤寐寅畏夙夜惕厲不自滿假不自逸豫寵綏庶國茂育
羣倫以答穹昊之眷命焉勒銘山阿用垂永世銘曰節彼
岱嶽巋然東方庶物伊始元感其章自昔受命反始穹蒼
燔柴於此七十六王顧惟寡薄恭嗣洪猷乾乾慄慄雖休
勿休元符昭錫餘慶遐流羣情所迫盛則爰修前王丕顯
是日告成伊予冲眇無德而名永懷眷佑祐答景靈聿崇
廣祀用達精誠殊祥疊委嵩縣奔馳禮無違者神實格思
藏封石累刻字山嶠蒸民永泰繁祉常垂

大中祥符元年十月二十七日

御書院奉勅刻石

石墨鐫華云帝既侈言天書之妄復為太山之封而作此銘述太祖太宗以及其身語多浮誇文亦拖沓正書僅能方正無少鈎磔想帝亦不能辨此或王旦輩為之潤色而尹熙古之流握管耳碑方廣幾埒開元太山銘字減小不能強半而文筆手腕則不啻泰山之于鄒嶧矣

真書絕佳予得之豐城學士萬卷橋是石刻元文貞公遺山親登岱宗顧未及見予得見之幸矣取以配唐開元太山石本誰曰不宜

右碑有二並篆額正書一在山頂德星巖高二丈六尺廣一丈二尺六寸額高二尺八寸廣五尺五寸一在城南郊原上五石合成製若屏幃高九尺第一石廣三尺字八行第二石廣四尺五寸字十二行第三石廣四尺字三行第四石廣四尺五寸字十二行第五石廣四尺五寸字十二行第六石廣四尺五寸字十二行第七石廣四尺五寸字十二行第八石廣四尺五寸字十二行

呼為陰字碑山頂磨崖一碑已為諸人題名鐫

字大小與山下碑同而行數有不同按文獻通考初王欽若言唐高宗元宗二碑之東石壁南向平峭欲即崖成碑以勒聖製上曰朕之功德固無所紀若須撰述不過謝上天敷佑敘祖宗盛美命勒石北向以答天眷又東軒筆錄云呂升卿為京東察訪游泰山題名于真宗御製封禪碑之陽刊刻榻本傳于四方後二年升卿判國子監會蔡禧為御史言其題名事以為大不恭遂罷升卿判監據此則真宗之為是銘先經磨勒岱巔又立碑城南也明矣

封廣禪侯救并祭告文

行書 在亭 亭山祠內

大中祥符元年十月

封號救

敕亭亭山廟惟彼靈祠載于祀典導長源而善利聳峻

上封禮崇成秩俾䟽榮于侯爵用介祉于蒸民可封廣

祭告文

維大中祥符元年歲次戊申十一月戊午朔四日辛酉皇帝遣秘書丞直史館姜嶼致祭于廣禪侯朕奉若元符升中喬嶽惟神夤職幽贊成功特加封爵之美稱用答儲祥之休應仍令致奠以達深誠尙饗

青帝廣生帝君讚并陰祝文

篆額 御製并正書 在青帝觀今佚

青帝廣生帝君讚

御製御書并篆額

若夫典治喬嶽表正靈祇司生發於東方佐聰明於上帝宜乎名冠仙籍德被蒸民饗祀典於蕭薌鏤徽稱於金石者也屬以虔修封禮恭答神休薦顯號以致誠述斯文而頌美讚曰節彼岱宗莫茲東土生育之地靈仙之府爰有高真允司明命至神不測虔誠斯應茂實克昭儲祥是繫

式奉嘉名用伸精意

大中祥符元年十月二十七日

御書院摸勒刻石

碑陰

維大中祥符元年歲次戊申十一月戊午朔四日辛酉崇文廣武聖明仁孝皇帝謹遣尙書兵部員外郎邵口告於青帝廣生帝君伏以峻功丕顯誕彰陰隲之仁神化無方實主發生之宇惟高真之攸館乃喬嶽之靈區屬以祇奉元符躬陳大報仰繫景貺克舉上儀式彰昭代之稱以表欽崇之禮合伸致告用達虔誠謹告

金石文字記云青帝卽月令所謂其帝大暉而史記封禪書秦宣公作密畤于渭南祭青帝唐書王奭傳請置春壇祀青帝於東郊者也

按隋書禮樂志開皇十五年春行幸兗州遂天岱岳爲壇如南郊又陳樂設位于青帝壇如南郊帝服袞冕乘金輅備法駕行禮畢遂詣青帝壇祭焉可見古之于青帝祀典甚鉅故壇而不廟觀不知創于何時歷朝之有專祀班班可攷矣是刻舊在泰山西南址青帝觀大殿西墀乾隆十二年爲俗吏所毀

加青帝懿號詔御製行書在

大中祥符元年十月

敕中書門下名嶽配天乃衆山之雄長盛德在木實萬物之資生惟真宰之斯存蓋靈篇之攸紀青帝真君職司煦育道叶冲虛贊元化於高明庇羣生於溥率真祠夙建方志可徵屬嚴駕以時巡爰秘封之成禮式瞻神觀冀沐冥休祇舉典章載揚懿美奉蕭薌而昭薦旌至德於無方用表欽崇永綏福祉宜尊懿號曰青帝廣生帝君觀宇特加

修飾故茲詔示想宜知悉

封祀壇頌篆額 行書 在郡城東南

大中祥符二年七月

大宋封祀壇頌 天書儀衛使封禪大禮使推忠協謀同德佐理功臣金紫光祿大夫中書侍郎兼刑部尚書同中書門下平章事集賢殿大學士監修國史上柱國太原郡開國公食邑四千七百戶食實封貳千壹伯戶臣王旦奉敕撰

臣聞天地之文著明含章焜煥於庶物禮樂之用象功崇德昭格於至神王者宣淳耀之烈建中和之極於是錫天瑞出坤珍覺悟於蒸民鮮不登泰山躡梁父聿崇於明德

蓋天地之文闕下民何以法象乎禮樂之興廢後世所以
祖述焉是知勒皇績騰茂實交三神之歡著一王之法述
符命繼昭夏申乎大報示於無窮極典章之備物真帝王
之盛節者也粵自遂初始造書契增高益厚載九皇之德
樸略而難名時邁省方口口六經之文紬繹而可舉訟龔之
規寢廣巡守之儀口口五載際於虞典一紀因乎周制所
以彰善癉惡口民設教者矣自後道非下濟德異升聞或
緘秘祝之辭或黜諸儒之議先治兵而釋旅乃肆缺五順
字行殊為民祈福之義光武紀號口石臧于故封開元
陳信口玉牒之不秘典章斯在風烈可觀口口難行禮從
茲絕洎四方之假擾屬五代之陵夷但恣尋戈不遑置器

俎豆之事掃地將盡塗炭之俗籲天無辜陰隲下民誕缺
六聖光啟丕運皇宋三葉在口天下五十載矣太祖啟運
立極英武聖文神德元功大孝皇帝之創鴻業也名膺帝
籙運契天飛微軹道之降鄙牧野之誓以帝軒之神武口
漢缺九號陟元后集大勳望風而海外駿奔端展而天下
寧晏太宗至仁應道神功聖德文武大明廣孝皇帝之恢
寶圖也天縱多能體膺上聖徇齊濬哲居質以成德文明
中正開物以成務凝神缺六及策賢良率土致覆孟之安
丕基成磐石之固崇文廣武儀天尊道寶應章感聖明仁
孝皇帝聖道日躋大明繼照尹京邑也神明之政四方是
則踐承華也元良之德萬國以貞圖口口理訟口威格遵

顧命而主神器極孺慕而纂宗防守缺六冠於百王熙庶

政叙彞倫智周於萬物口爵出祿褒德念功若臨照之代

明法雲雷之作解繼志述事樹經久之規弛禁省官布寬

大之令口張文理薦視學於上庠振舉武經缺五甸厚時

風而敦世教訓戒昭而數軍實爾者邊吏致告時巡缺七

檄焱口揚大聲秉武節缺四民繼好一介交聘靡宣金

革之威六師不陣還於衽席之上緩帶噎哺而式和民則

毀弓口刃而止嚴武備於是修墜典緝遺文命秩宗講三

王之禮訓奉常考六代之樂渴謹議則下周爰口詔口口

口則中缺六獄訟申飭埋官簡孚而用平刑口口而行輕

典敦敘公族並建戚藩犬牙之制是崇麟趾之詠斯洽設

獮狩之禮止於從時修寡射之儀于以觀德勞身焦思有

文飾之憂勤革履弋綈邁漢文之恭儉卜郊定位案歷上

陵口口極之口口久廢之禮易脂澤而哀慟入石室而涕

洩至性感於人神元德格於上下紫宸議政勵精於日昃

金華侍講不寐於宵分校正蘭臺之書增建石渠之閣規

模廣於麗正典籍備於宣明深味道腴以資治本帝堯稽

古虞舜好問以聲身而為律度執規矩以定缺六推恩而

逮下萬方有罪引咎而在予德教被於無垠皇明燭於有

截兵偃刑措道茂化醇百嘉阜昌庶萌樂育獨運陶甄之

上不闢鴻鈞之祚訪崆峒之道採康衢之謠夷夏大和天

入交感必彰嘉應以口元通門號承天節臨獻歲真官奉

其不□□以先期秘檢煥於靈文降□清旭受釐宣室躬
□丹書錫無疆之休諭大中之理繇是覃如春之澤易紀
年之號且斯文未作伏羲氏觀象以畫八卦有神馬負圖
之瑞洪水方割夏后氏底績以導百川受元夷使者之命
比□相慶異代同符缺五氓謳謠于外鴻筆麗藻之彥頌
美於內於是東土耆艾闕里諸生連袂而來抗章以請洎
思皇之士卽序之戎藩嶽大臣緇黃衆品伏閣叩首請封
禪者無虛日矣僉以爲祥瑞雜沓天意也中外傾矚人事
也牂牁越嶲朱崖象郡之地俱入於提封□□□東縣
江□鄱黍之類悉從於班貢矣羣情惻愍式佇於慶成上
帝顧懷不可以謙拒書上者至於五上不得已而俞之誕

告庶邦載形明詔將以奉揚先烈非謂告厥成功申命輔
弼之臣諭以簡易之道經始勿亟無擾于民且山爲嶽鎮
之宗地□□禮之國周孔垂教乃始封載誕之邦陰陽相
代是育粹炳靈之府當僝工之際歲事之初明誠以孚元
鑒先答應龍有翼蜿蜒而下垂醴泉無源漢沸而自涌芝
含三秀市地而羅生日麗九華得天而絢采鱗介之細草
木之微□異効奇紛綸疊委而□□心粹清凝思元牝乃
因華胥之夢再覩姑射之神告以玉書降於神房之麓著
之黃素得於季夏之初揆日奉迎備禮祇若爰疇咨於封
祀固脗合於穹旻亟命□司草定大典採摭精議討論舊
章卽事用希其禮多闕酌義訓以革正參制度以折衷古

文逸禮之靡記議郎博士之未達上資元覽洞析於精微
無望清光悉臻於體要穆卜消日掌鼓奏儀申必告之誠
躬祠清廟以就盈之月有事介邱先齋紫宸載止禁籞屏
簫韶之備樂以極靜專却大官之常膳以御菲薄清畿式
道雲會星□□□蹕之啟行奉天書以先路備設儀衛增
置官屬極恭肅而遵天貺也采章之盛藻緝原隰武衛之
雄震疊區寓八方述職萬旅騰裝讓塗而行外廬不閉奔
走會同之際端肅而無譁威發栗烈之時融和而可愛民
絕札瘥之患物有蕃廡之詠供帳不移而□儲供不戒而
備歷東郡之屬邑抵澶淵之□□軍國異名修文事而有
武備土誦夾侍掌方志而道地圖風伯清塵招搖參乘周

覽臨濮少畱汶陽戒誓庶官申嚴執事靖恭爾位恪謹攸
司羽衛具陳乘輿乃出垂翠綬而鳴寒玉載瓊□而擁雲
罕天口景從禁旅前驅八神齊奔萬物咸覩卿雲待族仙
禽成侶俯法從而交蔭覽德輝而翔澤口光下燭抱口騰
芒觀雲式瞻奏牘狎至溢簡編而不可載考圖牒而未始
聞下詔肅祇柴望而告至儲精護瀆默而齋居祀前一
日未質明備法駕至於山趾更衣於帷殿上乃乘輿輿陟
絕巘躋日觀出天門築園臺於山上度地宜而循古制也
升山之前夕層雲蔚興嚴飈暴起達曙振野而未已有司
失職而是憂洎寶籙先登華蓋徐至焚輪止息寥泝清霽
若胚渾之初判狀羣靈之先置辛亥祀昊天上帝設天書

位于左次登歌樂作奉迎就位顯奉符而錯事也二聖嚴
配定位側向以申恭事表繼志而奉天也亞獻終獻作之
樂章以爲禮節一其儀而申昭事也祝史正辭秘刻勿用
黎元蒙福孚佑是祈克其已而厚勤卹也裘冕俯僂金石
鏗越捧珪幣奠犧象絡金繩而斯畢飛紫燎而上達舒遲
暨禮陟降盡恭明德之馨至誠之感苾芬以薦肸鬻如答
通帝鄉之岑寂接雲漢之昭囿協氣上浮織羅不動神策
錫靈長之祚日卿奏殊尤之瑞垂紳委珮蹈舞齋室之前鼇
抃山呼聲震層霄之外山下設壇四成如園丘之制乃命
茂親以承大祭崇□□□以斯□潔粢豐盛而在列萬靈
咸秩四隩來同九宮貴神實司水旱吾民是依動繫慘舒

厥職尤重命築壇於山下封祀壇東率禮吉蠲詔大俎以
尸其事壬子祀皇地祇於社首百司承戒慎之至也三獻
盡誠禮無違者翌日朝覲壇觀羣后輯五瑞干品成列萬
國胥洎英莖韶夏以徧作傑休兜離而次設風行赦令雷
動歡聲祝網之仁普霑蓼蕭之澤遐被大明之照徧燭於
部家崇朝之潤周濟於天下昭示聖作以志元封日星炳
其天章鸞龍奮其仙翰感祚德之元貺遂光表之鴻猷金
玉其相與典墳而並驚神靈是保揭日月以長新復有道
濟生民名在祀典功德兼茂跡用尤著者煥乎睿文特形
贊口刊於翠口賸厥方來而乃祀喬嶽之靈幸列真之宇
俾加賁飾用極褒崇養老申合飲之私勞口推口復之惠命

市納賈採詩觀風聘有道而省高年平權衡而考制度官
克用又黜幽之典靡行化洽可封歸厚之民咸若惇發攸
恤幽隱咸達乃翠華之旋軫臨曲阜之故墟升講肆之堂
屆順風之拜徘徊設奠眷想遺風褒聖之禮有加卹後之
恩彌渥以經□□□載□□□邦周公旦啟真王之
封太公望進昭烈之號咸建廟貌領於祠官按節迴鑾式
閭表墓徧走羣望罔不遺靈河濟之區海岱之壤南暨淮
漢北際常趙梯航萬國冠帶諸酋四遠雲來千里星屬聽
清蹕缺五得隣仁壽之□□觀觀作□□事扶老缺六
龍迴御七萃解嚴太史揆辰近臣奉祀藏侑神之金匱上
加謚之實冊舉歸格藝祖之禮親饗太宮考飲至策勳之

典惠綬列辟盡聖人之能事成天下之壯觀前口所記

十二口口儀斯廢僅三百載缺四天命缺四實惟其時祖

造新邦臻大定經制而未遑神宗求至理致升平業成而

中罷遺茲景鑠屬在欽明丕顯詒謀奉成先口口口大號

永口口各口口昭姓考瑞口大統也勒石垂口昭茂功也

人神以和禮口口備盛德也口口定位祖考嚴配大孝也

報本穹昊歸功宗祏謙尊而從衆欲禮畢而受徽稱克讓

之風高視於前古矣下尺一之詔嚴禁止之口口口行葦

靡口口口好生之德口於羣心矣服純衣而在口御口口

口數口口別謝口口致美黻冕減乘輿服御之物罷周廬

次舍之制則惟新禮器增飾壇壝故翼翼之心精意以享

有典有則必躬必親寅恭天至也既如彼蒼蒼之意惟德
缺五事□□□瑞報况神速也□□此宜乎擁鴻休介
繁祉後天而老象日之升垂萬世之耿光爲百王之稱首
者也臣位冠台衡親逢旦暮承上公之乏相盛德之事與
夫茂陵草遺忠之奏周南典留滯之歎非可同年而語矣
矧又恭膺缺五獲當口述茲所以紹帝皇之墳素表金石
之篆刻嗣丕天之定律□□世之鴻範者也寡韋平之經
術無燕許之才筆大懼樛昧不能發揮徒躑躅於燥吻實
僂俛而塞詔賡謏舜德曷繼於臬陶紀頌漢巡有媿於亭
伯貽之來裔以闡丕口其辭曰增高益厚王者上儀制禮
作樂莫大於斯應運接統垂鴻逆釐茲事體大惟聖難之

岱宗炳靈巖巖峻峙和鑿響絕牲瑄禮弛缺其神權邈踰
星紀乃聖挺生乘時斯起惟宋肇興受天顧誕盡黜苛政
式敘彝倫以洗汚俗乃弔匪民革其不諛被以至仁威靈
有赫軌跡易遵與民更始其命惟新寶歷日隆神武不測
厥角獻琛水讐陸口惠澤滂流皇猷允塞陰陽下民懋建
皇極照被六幽化行蠻貊累盛重光乾乾翼翼展義省方
觀風耀德偃伯靈臺躋民壽域寶鼎增重永協大同正符
焉錫告厥成功論乎至理迪彼元風保邦清淨錫祚□□
化洽無外道惟大中百度以貞六符斯正傾輸羣心稱述
瑞命僉議勒封以期升脩休烈日彰神策天授徇民從欲
展采告成屬車時邁法從天行濟濟鷓序噦噦鸞聲星言

汶上雲會岱亭穹崇絕巘密邇圓靈躬陟上封聿申昭事
祖考來格禮樂明備威以至誠享其精意款謁歸功謙謙
益至嚴配克誠蒸蒸不匱柔祇昭報誌祀聿修二儀訢合
百神懷柔帝容載穆靈貺殊尤肆觀輯瑞端冕凝旒萬國
以朝四夷接武行葦之仁兮敦洽蓼蕭之澤兮周溥茂遂
羣生浸漬萬寓慶集丕圖風還遂古騰茂飛英超三邁五
赫赫顯號穰穰鴻禧百祿是荷萬壽無期遂及黎庶永洽
淳熙法昊穹兮剛健不息踵黃軒兮清淨無爲自天之錫
百世承之

大中祥符二年七月十五日立 翰林待詔朝散大夫國
子博士同正騎都尉臣裴瑀奉勅書并篆額

右碑連額高一丈一尺廣四尺四寸篆額題曰大宋封
祀壇頌六字大四寸作二行碑文行書共四十三行
行一百字大八分在城東南三里許原上按山左金石
志云王旦結銜天書儀衛使宋史傳作天書儀仗使太
原郡開國公傳亦不載文中升講肆之堂通
作講禮玉藻肆東及帶注云肆讀爲肆

朝觀壇頌

篆額

陳堯叟撰

尹熙

大中祥符二年七月

大宋封禪朝觀壇頌

并序

封禪鹵簿使推忠協謀佐理

功臣金紫光祿大夫行尚書左丞知樞密院事修國史兼
羣牧制置使上柱國潁川郡開國公食邑二千三百戶食
實封捌伯戶臣陳堯叟奉口口

臣聞配侑尊嚴王者所以敦其孝也朝宗觀遇聖人所以明
其禮也又若因名山而遂封煥先業而跡著踵七十二君

之退武永萬八千歲之不口口輯五玉壇賓諸侯魏魏煌煌事之大者非命夫通博之士釋達缺五之學缺六重九經之思又安可漢猶功德流播微懿臣類蒙真聞黜淺無取稟詔滌慮拜手而颺言曰宋受天命帝六合子萬姓以聖繼聖垂五十載稽神道而設教感民生之歸厚烈祖神考耀武振德罄乾維而張宇盡坤倪而晝野夷暴削疊黜僭盪偽懷生胥口滋液元化上帝降鑒昌大洪緒崇文廣武儀天尊道寶應章感聖明仁孝皇帝之御天下也三業嗣統重離繼明恭敏而克仁徇齊而允迪青宮主鬯承天序而寅畏黃屋正位奉先志而夕惕若乃敷乎要道刑于率土始則謹色養口口匱缺八字孝之至也口口郊邱者三

竭精口口獻朝口口者一鬱悽感於霜露祀之大也六御宸陛精較口口振滯淹於草布罄邁潛於巖穴文教之隆也再駕革輅觀省朔野貞師律以威亮口戎人以禮樂武經之著缺十絳軌物口口實情達幽仄欽恤之深也體元功之藏用為而勿有推赤心而與物坦然無間誠明之廣也友于天族敦乎教也惠綏耆年勉夫養也斷驩復樸必始于宮室劭農禁口率先乎稼穡昭夫儉也黃口一缺七助編口口室務得口口而口口謹乎授也六職交父百揆時序猶復訪古無怠論學彌益邀覽乎九皇之道畢講乎三代之訓口庖黎獻勤憇方穀蒸蒸之德既格于神明生生之仁終達於麇鼎太和遂布于景氣靈臺遠偃

於師節混一文口救載疆場缺五易戰口口措兵者也

於是河海夷晏巖廊穆宣瑩元覽口宅表操斗極而播憲

口天常立民經清淨之鄉御乃六氣之辯富壽之域隆乎

三登之祥四隩納誠五緯遵軌日星薦祉而訢合草木効

靈而始見千品萬類口綸缺七矜缺六天意若日振古絕

德實無與讓軼世靈契允宜口答繇是真介來儀寶命申

錫抒二篇淵默之訓啟萬禩綿長之兆普天聲世靡不欣

戴惟蒼旻登口之祐乃口而垂鴻之慶流烏之祥祗載其

異雨口口貺何口口斯口口自天之秘實獲御

邦之縉於是洙泗諸生龜蒙羣彥發詠歎於庠塾口謳吟

於衢路倚裳連襪波屬鱗萃既而宰衡幃幄之輔熊羆蓋

鴈之列迨于千夫長百夫長黃冠緇衣台背兒齒相與不

約而信不謀而同伏觀缺五封缺六陛下系纂聖統光闡

丕業立隆以為極執契而司會口斯成矣口口平矣口口

和矣昆蟲草木罔不孚矣所宜鋪鴻藻而熙帝載飛英蕤

而振絕禮遵昊天口之成命慰東魯口之後后觀風口口之

業展口口侯之口允謂口德口口錫符奉符以行

事口口之請不為進越皇帝虔鞏敦論四讓不獲既而垂

旒深念前席而言日惟我二聖付以大寶海內海外悉主

悉治口懷錫羨之慶丕冒詒翼之教一變口口朕何有焉

又敢敷介口告成功缺五揚耿光奉遺懿宣景鑠報嘉

瑞斯事口體乃賦之志且夫無懷已降夷吾所記迨建武

之儀開元之制綿蕪草具宜削其靡無煩民無黷神恭朕
之禮罔憚薄奉禮之容姑務豐大口口有口口錫厥職繇
是缺十之缺十論細漢皇優游之缺十順以創制閱嘉言於既往
侈而不典駟空文之無謂既歷古而肆習乃折衷於睿聖
輔臣先事而祇命崇獻聯日而薦瑞醴泉流湧神龍倏見
靈芝三秀而絡野嘉穀合穎而充畝星弁口掖忽恍缺十
寥次之書再降既告廟而成禮口口口戒吉卿雲先後
而觸布遠鶴翩翩而旅集元覽益重坤珍愈出月孟冬日
辛卯皇帝乃闢宸居清康衢儼金輿璵衡之御蕭寢兕彌
龍之制都人山立而辰抃缺八神檢先路真士前道九葩
之葢蔽寥廓以徘徊十極之音含正始而容與俄而常伯

陪乘大丙弭節于官扈蹕而星拱九龍効駕而飈舉萬騎
雜沓洶洶兮海運九旂繽紛烈烈兮雲布歷河沂榮光湛
乎百丈戾嶽趾愛口口乎四彗猛士缺六元髦輶轄而彌
隰周廬微道植鍛懸厥既口關齋宮之靖冥滌清畏於夔
獲雲罕儼路鈎陳搏壑奉寶符而先置儼宸仗而延屬大
風示異當口石而遽止寒谷應威將裂膚而俄煥倏忽之
變陰陽不測皇帝於是登喬嶽陞天口口玉輦步巖陞俯
矚靈於勃澥觀衆山之培塿崇臺冠空而岷岵翠旌周阿
而提獵辛亥吻爽即事靈闕登太祖以配天奉太宗而侑
饗大圖軒轅懸寓澄爽烈宿照爛於浮景盛禮登降於口
口口口肅缺七音諧而大樂六變百神降而元酒三獻肅

□□用燿火高舉圭璧之序嚴紫霄而有容金石之文凝
絳烟而無際秩衆靈而在下命羣官而分饗備物之盛實
列萬國錫年之祥乃過億世既卽次而燎幣旋復□而檢
玉胙蟹缺七于鴻明之報白雲起封始氛氲於膚寸神光
□碱實炳蔚而五色翌日迴鳴鑾禪社首禮遂畢於登降
誠乃格于上下復本反始二儀之氣斯和執圭奉璋肆覲
之禮攸舉且夫壇壝三成蓋大□小之制侯氏□□君勞
臣□□絲是□□□次掌舍設棨司儀辯等車馬具禮始
胝館而穆穆俄觀旂而濟濟皇帝乃登清壇翳雲芝負斧
展明章施臚句□□而交達琛賚述職而□平九儀櫛比
萬□磨至航海告傳圭之符毛□慶于呂之瑞魏缺五寫

隆□□虎之缺五業雞竿坊施籥歌以詠德佾舞而象
事禮憲備成訖無遺者既而王公庶尹岳牧羣長胥進而
言曰夫祚德者天合符者聖陛下以大業鉅封對越景節
區域疎化人祇協慶禮物具八方之產祀□□千□□盛
□何山郭□□□獻海鰈之充貢哉父天母地之孝于
以之備君臨子事之義於是乎盡洋洋乎蕩蕩乎民無得
而稱焉謹伏壇□上千萬壽帝曰異□豆籩靜嘉器之文
也牲牲肥膾祭之飭也非朕所以請上帝臨下民之意
也惟朕□薦薦于□□神之□享于惟馨庶乎盡物首
義用在納□□旨無以異矣又曰咨爾有方之衆明聽予
詰先王克謹天戒臣人克有常憲肆朕祇畏荷□既施爾

其慎厥終一乃心弼子夙夜之治□□元元之命罔忽厥
□□速于冥□□□九域□潤既禮止而樂闕遠雷作
而雨解渙汗兮大號不休兮茂典置子聿空罔犴斯弛執
熱者濯居窮者遂在逸者復處幽者去貞貞首方足悉已□
□蠕動翺飛罔不□岐逸祥禽於空罔遂珍獸於遐□集
百靈而受職與□□而更始所謂□□□景福雲行雨
施不崇朝而徧天下者也觀之明日推彝章□先古太常
陳詩而觀俗典禮同律而考度正班爵之上下闕市器之
良竅勵守屏以□□章教條而成舉既而振皇儀而旋軫
訪儒宮而□□景仁澤於遺□合凱□於下國歡聲□□
溢□□□載揚嘉氣鬱蔥擁宸輿兮歸格策勲飲至濡

□樂胥昭德垂休邈乎無極皇帝於且七數眷藻紀雲闕始
則推□□純錫終則讓祖宗之顯列必義畫增麗堯文濬
發□□天經而昭布表日□而高揚不土于□□之□□
□□祀典之清芬上則教尊於世次而功施於民形褒議
而流永增徽稱而益振煥乎宸製鏤之貞珉信闕典而成
秩垂聖範而□□□哉懷庭之道曠而復屬盤維之基
亘而彌遠□乎人和年登而神降□告倪覽所謂帝王之
盛節抑亦天下之壯觀聖作物觀不其偉乎太史臣曰主
□有聖明而不宣布有司之過也臣虔奉咫尺參侍□□
□□揭厲竊謂萬一雖不足究宣駿德光大隆業蓋□尊
□辭炳灼於無窮缺五敢謹爲頌曰於穆我宋受天明

命烈祖造邦神宗繼聖靈旗指麾世基保定神教誕敷民
德不正明明我后集慶□□稽古十一訓惟儉是宜羣方允
迪庶彙緝熙天縱至聖日用焉知上天降鑒□□□□雙
谿恭字 缺五周伯□□老人功靈乾符坤珍溢於祥經上德
不德謙而益光寅奉祖考肅祇元黃天迪其德盛歷洪長
真介薦至元符屢彰濟濟多士蚩蚩蒸民填衢溢郭集于
紫宸□啟伊□武功至仁□□伊何字 缺五讓不獲元章□
□□命有位歲事岱宗虞巡効駕周邁宣風八極四海雲
蒸霞從巖巖魯詹高軼乾宇既祓既登以禋以旅二聖克
配三辰攸處六變成文□靈□□倉璧元酒□□齋栗胥
蠶禋燎飄颻鐘律翌日降□皇祇是出允猶翁河百神咸

之明日乃嚴壇壝於是肆觀茲以陳儀
允攸施儼爾珪組翼乎熊羆王公庶尹再拜稽首□□
□上千萬壽□□欽哉一德斯懋元首股肱惟爾佐佑慶
澤遂敷宥民赦獄渙汗涵濡滋液滲漉洗滌頰頰 揮
亭勇施及天胎罔不生育乃程律度乃齊日時升擢方穀
懲艾不祇凡百有位以悅以隨大禮克舉字 缺五乎哉登靈
封兮報元功禪厚地兮薦清衷揚方明兮車服以庸單慶
澤兮采網遂空惟聖宋之光宅兮與黃比崇宜乎金聲之
玉振之萬斯年兮無窮
大中祥符二年七月十五日立 翰林待詔朝散大夫國
子博士同正騎都尉臣尹熙古奉勅書并篆額

石碑題額高一丈一尺廣四尺四寸篆額題曰大宋封
禪朝觀壇額八字大四寸作二行碑文行書共三十八
行行五十四字大一寸在府城南里許案此碑撰文者
陳嘉庚結銜有穎川郡開國公楷之宋史傳所不載書
碑者尹熙古歷官與封祀壇額書碑之裴瑋皆同
行書筆法亦相類類似出一人手兩碑月日亦同

大中祥符二年

禪社首壇頌 天書儀衛副使封禪禮儀經度制置等使

謀佐理功臣金紫光祿大夫禮部尚書知樞密院
事修國史上柱國太原郡開國公食邑三千五百戶食實
封一千四百戶臣王欽若奉勅撰

沿灘御歲應鍾旅月國家建號之四十九禋皇帝紹統之
十有二載燔柴喬嶽成禮於嶽封冠躡方丘薦於廣

人神交感祿祉來宜爰命下臣式揚嘉頌粵自聖明御極
寰宇大和民知教而措刑俗致理而偃武熙熙庶彙如陟
於春臺惕惕宸心若臨於秋駕元德上達乾文下垂方純
以誕膺故至神而合贊見於乙夜同日星之揚輝告以
朱期若寒暑之不忒履端之月成魄之辰晝漏初傳朝暾
示仰蒼龍之內闕視黃素之奇文豈必元龜負圖而出
浴何須赤雀銜書以及豐上沖厲內增寅恭外積克勤精
意仰答靈心感應宜符禎祥不絕雲成五色表嘉瑞于太平
星見離方薦殊徵於萬壽由是索前王之令躡秩祀典之
無文思大饗於季秋用昭告於上帝咨爾之詔將戒於有
司猷予之謠爰興於東土鄒魯之士海岱之民竭乃一心

若律呂之相召於千里如符契之不愆述盛禮於元封
獻露章於魏闕以爲有唐之季天步艱難朱梁已還寓縣
離析蒸黎塗炭兵甲日尋薦紳無仁義之談鉄鉞肆虐割
之患上天悔禍肇啟於昌期百姓與能勃興於明主太祖啟
運立極英武聖文神德元功大孝皇帝炎靈應統綠錯膺
圖奉唐侯之固辭避陽城而罔獲克安九服成不戰之功
祇事百靈受無疆之福太宗至仁應道神功聖德文武
大明廣孝皇帝大明繼世至德在人文告以懷柔武威而
震讐憲章號令俯洽於殊方文物聲明仰踰於往古景
廣武儀天尊道寶應章感聖明仁孝皇帝
五運紹成基於累盛荷景貺於重熙通於神明錫

格於上下廣覆之仁若乃弋緜爲裘書囊爲帳恭儉之至
也泣辜於市扇暍於塗慈惠之隆也仄席掄才反支受訟
聽政之勤也齋居議刑弛懸決獄慎罰之深也至若恭默
思道勵翼求賢振恤惇接諮詢讜直睿徽五典昭明百官
禮無大而不揚情無小而不達道彌高而思彌下業愈盛
而志愈微故得鳥獸可窺水火不奪萬民以治五教在寬
天降之祥物安其所謂集元黃之景祐攬步驟之上儀
者也夫登岱宗禪梁甫對越天地嚴配祖宗揆玉以禮神
刻石而紀號千八百后其道皆同七十六君其蹟可視矧
夫盛德大業巍乎若斯天瑞人謀昭然如彼誠宜答三靈
之祐順九域之心考時日於歷官詢制度於宗伯肆覲羣

后懷柔百神蒼璧以祀天黝犢以祭地發維新之大號受
不已之厯祿豈獨一方區區之誠實亦六合口口之望上
於是臨法座而延見命謁者而諭旨嘉其將順之心示以
惕厲之意以爲禎祥申錫但荷於洪庥封禪告成難居於
盛美故當祿議無復過談莫不瞻珠旒伏文石期於得請
然後口從克讓之詔雖行敦執之言益固於是鈞衡之元
輔帷幄之碩儒三臺之具臣五營之列校郡國之上計庠
序之橫經班白緇黃之儔椎髻文身之衆相與集闈闡趨
鈎陳述庶民後后之談敘歷代不刊之訓且曰天高地下
大禮生其中君令臣行百度遵其治罔蹈道而無福罔失
政而無禍道莫大於奉明神政莫隆於興茂典故遂古而
下方冊所標未有長發真源永孚休命歷數在己美利及
人而不宗祀昊穹昭配祖禰奉符東岱展采仙閣者也而
况巡狩之文毛舉於虞典登封之義囊括於周詩六經著
其讜言百王以爲盛則衰世思之而罔克治世避之而不
能口口武隋文其讓也正世祖元宗其修也宜陛下高邁
義農俯視舜禹天鑒厥德赤伏之符旣膺后來其蘇東人
之念方積觀民展義今也其時錯事增高辭之豈獲雖復
輿情可却宸慮難迴其如三神之景命何二聖之盛烈何
優詔不許者四封章固請者五於是答元穹之顧謔狗黔
首之勤求俯而從之蓋不獲已乃頒明命戒有司曰自天
之休旣鍾於列聖累洽之慶復屬於冲人若乃登名山朝

萬國雖盛德之事其何以當而率土之情復無以拒蓋將
申於大報敢云告厥成功咨爾有位之臣暨于蒞役之者
犧牲玉帛禮於神則極其口口輅旂常奉於吾則從其儉
委樞近之佐以先置密授其成謀聚文儒之士以撰儀洞
稽乎舊制其令也至當故下無以干其工也不繁故衆思
自勵德音一發民望如春誠感上通神心若契至乎聖賢
之祖述禮樂之公襲或有舊史失傳精義莫續羣臣極慮
靡究其端睿旨發口盡其理凡所刊正二十餘條於是奉
常遵爲彝訓又若秘牒有一信冊有六燔禮備口追琢難
成將以貞珉代乎溫玉雖復有司固請俞詔勉從在乎宸
心惕然罔措果於內府訪得其真蓋往日之所營僅朞月

而乃就取之琢刻用於神祇克集厥功靡愆于素足以見
先聖有開口口吾君善繼之孝者也且夫天之臨也不貳
天之鑒也至明聽之口聲吉凶見乎象數而降命善惡其
乎人盛德之典巍巍乎其莫述鴻休之至紛紛乎其無窮
當夫揆日有期鳩工在始地不愛寶吐素液以流甘龍飛
在天騰卿雲而絢彩神葩焜耀挺秀而朝敷瑞氣口口揚
輝而晨映眈目鷲獸匿蹟空山螫手毒蟲潛形蟄戶在井
之鮒祭百鍊以成鱗繞樹之禽疑六出而挺質沃日漲海
既過其驚波航葦巨河復遵其故道九穗兩岐之秀四德
一角之奇或駢實而其枝或先秋而告稔斑虎裘文之藟
靈雲共蒂之瓜元鶴羣臻聽笙鏞而自若慈烏獨口口畚

鋪而有常灑灑沉澁以如飴趨趨明視而呈素中天之月
露煥發之重輪曲沼之泉澄相鮮之麗色一封使者告慶
交馳六藝書生頌美載路蓋已無德而踰也矧又甚於斯
焉昔者五老告期但聞一至兩騎愛職豈復重來未有眷
佑彌昭殊休再降巍然岱嶽密邇岷泉頌經字之文述蒼
元之意於是備時乘之駕選寶命之符是月大雨霽霽密
雲葱鬱潤甫田而雖洽治馳道以方勤及乎瑞牒爰來乘
輿將出則煩陰並散杲曜徐昇紫氣覆於離宮白雲映乎
廣殿時億之福豈易測乎於萬斯年必可保也瞻言南岐
舊產靈茅方志雖存郡人罕識及夫詔書採蘋耆老營
絕世之珍故蕃殖而久廢不貢之責方寤茲以爲
三脊之奇用資五天之藉夷吾曩記斯實同符
詎多愧色旣而協良日薦虔誠寅奉靈文祇見
昌之純錫告配侑之崇名于時人集八方塵飛九
之夕澍雨以清皇衢裸鬯之辰喬雲以覆世室非
瑞日流空肅肅金鸞襲星罕而徐轉翩翩玉羽
羣嬉二后在天降鑒於至治百世觀德協慶於無
斯禮不行其來已久雖感蒐於闕典慮未盡於至
屬黃屋之崇高習泰壇之薦享恭畏之色罔異於
疑之文並從於折衷官師聳勵神鑒益歆既而合
鳴鑾道路百工承式七萃啟行八校止齊聞蕭蕭
九旂時動見習習之祥風鼓吹不喧率由舊則金石

肇自聖謀至若念封禮之方陳矜嚴是務慮有司之弗給
簡易爲先乃損屬車別鳴鑾 虛大輅以安秘殿見奉天
之誠御步輦以出國都形愛民之志連蕙成林接壤歡謠
四望則衣袂成帷中途口壺漿若市豈資諛諂也罷乎從
畋河待討論動歸乎至獻葦茹咸却誠玉食以養心草木
不傷法蒲車而育物若乃次舍所設菲薄攸於君子之基
未嘗改作閭閻之勢罔或增新唯元幕以環周或下口而
居處頌祇之庭在通接神之冊儲靈屬夜漏之未央視榮
光之歛見瑞踰沉璧祥協超口至乃命庶官走羣靈車
土別祀九宮禮瀕海之諸神饗射生之列
於馨宇昭上德於億年者也暨夫屆廣魯

奉迎罔不率舞東后來覲靡有後期八表之民駿奔競至
未名之寶櫛比咸臻壇壝以陳簠簋以具申誠于百執必
信而必誠昭感乎萬靈有嚴而有翼越以孟冬之月庚戌
之朝望秦之高峯昧爽而陟比黃之大典次日而修其或
俯層崖履危墜慮人之勞也乃降輦焉及乎欵雲封望齋
室想神之在也亦躡步焉徒御繼登罔逢乎驟雨羽衛成
列俄息乎終風平視太虛下觀旭景靜將地接動與天偕
澄宸慮以杳冥望法象而髣髴於是被元袞搢大圭神六
變而來思色三獻而彌厲侑以宗祖煥乎天經丹書載陳
表儲休於上帝玉牒不祕示無私於下民而又饗彼羣神
于茲山下準園 之式伸徧祀之心謹晷度以合時望煙

燎而交影衣冠在列笙磬同音是夕也天門之巔士虞載
渴甘醴忽湧無源自澄僣僣奉宸飲之而不竭日觀之上
人莫能升明神斯臨有儀可象濟濟在列覩之而相目此
又感召之章灼休嘉之殊尤也翌日禮皇祇禪社首方澤
之形泰折廣樂之音八成象其色則黃牲昭乎絜則元酒
岳鎮海瀆靡不格思墳衍郵畷罔不成在眷乃坤元之德
配乎柔克之尊生植羣倫包函方夏廣大博厚所以養材
流謙居貞於焉載物伸茲大報在乎至虔肅若奠獻之儀
祇率穹昊之制勤恭勵翼盛典由是無違雜遝紛綸柔靈
以之薦祉清蹕將至倏振驚飈冕服纔升俄爲霽景燿火
之影逸在雲霄登歌之聲散於垌野唯誠明而是竭忘階
降之爲勞於是昭仁心從物性楚夏所貢羽毛之衆莫不
出於苑囿放之郊原次復詔秩宗修勤禮三帛二牲執贄
以見右賢左戚辨等而居元冠蒼佩者充庭魚甲貝冑者
列侍宸顏穆若安可望其清輝能事巍乎徒得觀於洪烈
旣而布大令均渥恩禮高年修墜典幽螿成振密網並蠲
需慶賜而春行覃徽鑠而日麗采詩察俗遠協於夏書納
賈觀風式遵於王制興廉舉孝崇德報功儼寡憚獨之流
罔不咸恤律度量衡之法由是得中復除之恩浹於四極
醴醕之惠際於九圍當其御郡樓宴鄉老有在沼之介族
附遊童之衣裾色奪金英狀微榆莢壽蓋踰於千載祥實
冠於四靈昔者聞韶而鳳來拊石而獸舞言其善應豈復

殊塗罷菴蕪之鐵官貫龜陰之曠土襁負相屬菑畚盡開
至於邈想古賢緬懷神道增文憲昭烈之稱謂伸仁聖炳
靈之封崇以爲列上清而監觀者真仙故加保生廣生之
號育良材而利用者疊嶂故修靈巖廣禪之祠惠洽於人
雖小不捨新玉女之像是也福流於物雖大必營創會真
之宮是也猶且枉星旄降玉軼幸闕里祀孔堂瓊口之刊
載揚芬德璽綬之薦用益徽名祓飾廟庭增修禮器出幣
帛以賜宗黨頌經史以聚學徒下自諸生咸膺其進爵上
暨先正肇荷其追封好賢之心周於百世尊儒之道形於
萬方豈止序門人以陪祠謁齊眊而給役也昔天寶以治
平在運崇五廟之洪名大中以恢復成功加二宗之尊謚
而皇上孝思不置至德潛符展禮太宮歸尊偉號始以
冊親授三公拜手而遣肅祇之至也復以蕭薌躬謝六
涕洟而進追慕之積也足以薦乾坤之祐增宗祏之美慰
昊天罔極之感伸明發不寐之懷旣而王公協辭夷夏同
志遵順美之前訓增可久之徽稱始固守而不從旋曲成
而俯受懿夫法乾剛而覆下是謂儀天用元默以居中故
爲尊道叶吉而圖書開奧寶應攸昭上封而河嶽效祥章
感斯著典禮備舉簡冊載光軒曰徇齊德何尚也湯云聖
武茲豈遠而猶復紀錫符之辰建單慶之節郡國清醮以
答於明威士庶縱遊用樂乎神運生成則禁乎屠宰隱惻
則止乎刑辟古今之盛節輝矣皇王之休聲備矣臣學乎

書史偶乎昌辰敢商權於前修埃掄揚於景鑠竊再拜而
言曰在昔帝嬀其臣有五夏興於禹商始於高宗周建邦
本於后稷有唐命氏筆于庭堅而伯益既典朕虞亦佐禹
績秦德不競天祿未窮故我聖朝集茲大統宜乎比隆於
三代垂裕於萬齡者焉洪惟陛下纂承寶圖建用皇極含
道德之甘實具慈儉之馨香煦然發榮可得而述昔者河
流載湛里社方鳴列緯集於降婁三統在乎單闕暨夫再
歲果誕真人蓋奎爲魯分之星乃司文物泰實兗州之鎮
爰主發生豈非運屬文明化符生育法從臨於洙泗祀典
修於云亭之應乎此蓋受命之殊貺也御辨之初維藩之
域綠龜薦瑞元輔矢謨以爲至柔者毛至剛者介今則以

柔之物附至剛之姿天何言哉民胥效矣必將武事
繼文德懷柔是時也戈甲方馳封疆尙聳旣而玉帛繼
書軌大同罷尉候之官成建橐之治此又嗣統之不祥也
夫感人心而致和平莫先於孝與王道而致雅頌無尙於
仁昔者主器震方辭宮臣之常禮則成帝之避馳道也宅
憂倚廬終三年之通制則高宗之在諒闇也案元辰之歷
行哭而朝陵則顯宗之伸永慕也覽後庭之籍動容而出
娉則文皇之召至和也寬一成附重之刑制三流惟輕之
典則高帝之約法也升北辰魄寶之座創先蠶壽星之祭
則孝文之重祀也修前代之園寢訪功臣之子孫則武王
下車之事也絕番禺之藥矢毀尙方之獵具則成湯祝網之

心也再駕戎輅則周宣之治兵也三郊吉土則虞舜之肆類也順時令閱車徒因三時之閑習五申之法神武之用也臨便座幸上庠較藝以掄材談經以興學時文之化也蓬閣翬飛牙籤雲蠹寶南風之聖作聚東壁之羣書聿修之美也親視篋簾躬聽笙竽新甲令以募工師製升歌以詠詒訓述作之大也絕域之民雷滯未返測然軫慮豐給而遺仁及於懷土也司貨之吏措克爲能渙乎出令寬政爲先道濟於溥天也紀祥符之寶歷元符之故事也新儀術之庶僚大徽之彝制也明照於前古覩其失而不揚德之盛也辭高於往代有其善而不伐謙之至也孝德著矣仁聲洽矣積是純懿發爲茂功則巨禮之行殊禮之應由

大意也非人力也矧復兩漢而來建都於雍五嶽之地皆在於東居旣異於辨方理且殊於師古今國家宅梁宋之場當穹壤之中禮得其宜事歸於正故可以仰遵五典高繼九皇抑又羸秦上登僅至中路天有所不佑也漢武秘祝不示羣臣道有所未廣也光武欲其速成將竄封於玉檢力有所未豐也高宗黷茲巨典接神以椒房禮有所不肅也元宗建議在初輔臣殊志出爵伊始庶尹與言人有所未允也若乃篤天祐迓神釐遠邇協心上下交泰唯精唯一盡善盡美未若今日之備也又不以功成而自大治定而自矜炳乾文號神嶽仰懷天貺不敢以怠遑俯述世功用歸乎德美此實歷代之所未有上聖之所獨臻也下

臣不佞恭獻頌云惟天祐聖惟聖奉天寶命隆分惟辟治
民惟民戴辟萬國同分祖武宗文重規疊矩建大中兮奉
符錯事登封降禪告成功兮報本反始為民祈福示至公
兮洪猷盛德高視古昔垂無窮兮

右碑高五尺九寸廣二尺五寸字五十一行行百十一
字額與文並正書額題大宋禪社首壇之頌八字徑四
寸碑字徑五分在高里山相公廟大門左案文係王欽
若奉敕撰幾五千言為歷代諸碑所罕觀當時鴻章鉅
製如磨崖諸刻已極鋪張之盛乃王欽若等復為此繁
冗之言粉飾一時以取媚悅甚矣宋世君之妄而臣之
諛如此尚冀熒美古封禪與案山左金石志云此碑撰
文者王欽若結銜有太原郡開國公禧之也此碑撰
云君灘御歲應鍾旅月謂戊申歲十月也此碑別無年
月惟此二語是年月但戊申是大中祥符元年乃舉行
封禪之歲非立碑之歲碑自當與封祀朝觀二壇並類
及之二壇碑皆有書人姓名此碑獨無而書體較精整
惟訛字極多不可枚舉亦不足致辨
也獨喜其文字完善可讀較勝二碑

天貺殿碑銘 篆額 楊億奉敕撰 尹熙古行書 在岱廟西墀

大中祥符二年十一月

大宋天貺殿碑銘 并序 翰林學士中大夫行尚書兵部

員外郎知制誥同修國史 史館事柱國南陽郡開國侯

食邑一千一百戶賜紫金魚袋臣楊億奉敕撰 翰林待

詔朝奉大夫國子博士同正騎都尉臣尹熙古奉敕書并

篆額

臣聞元天之覆物也陰隲而無私上帝之臨下也高明而
有赫倬昭回而成體其聽孔卑杳寂寞以希聲厥應如響
故周書紀其輔德義易載其益謙百祿咸宜於以隆其永
命庶徵時若于以降乎嘉生斯皆自我民而聰明表其道

之貞觀者也至乃秉陽而健垂象於日星得一以清成章於雲漢東壁列位主圖書之秘文魄寶淪精握河洛之命紀蓋乾之縕至顯矣天之文有爛矣眇觀太古鋪觀往牒三五之世德化醇茂故伏犧受龍圖以作八卦軒轅得龜篆以朝五靈放勳獲玉泥青繩之文帝受曆赤文綠錯之瑞夏商以降績用昭明故大禹夢蒼水之符帝乙拜元王之字西伯之赤雀止戶武王之白魚入舟皆盛烈通於神祇茂勳格於穹厚繇是奇物請詭以効質珍圖炳煥以告休宣純禧而奮景炎形實訓而示靈眷斯固殊尤絕迹曠千載而罕逢卓異倜儻爲百神之稱首不然者又何以運契於中和之極光發乎至治之期雜霸已還寂寥而無紀

合符之盛啟迪而必先者哉崇文廣武儀天尊道寶應章感聖明仁孝皇帝陛下之御天下十有二載也纂一聖之丕基肇八紘之鴻緒中道底定庶邦協和玉燭陽明珠躔軌道頌聲載路協氣橫流百工維時五兵不試仁風衍於無外洪化馳而若神品物茂遂而由儀羣黎富庶而知教徽纒之刑幾錯茲誦之聲相聞人自謂於義皇家悉爲於鄒魯行葦勿踐忠厚之性成天網彌踈寬大之德著淳源載復治具畢張皇上方端居穆清之中獨運陶甄之表執粹精而思道宅清明而在躬極深研幾淵默雷震揚蕤絢景輝光日新固已濬哲之懿卉聞僭怛之愛敦洽金玉其度追琢而惟精雲日之表就望而無極當其愛景長至陰

魄下弦斗城觀深虎闥窳窳建章萬戶筦籥之有嚴衛尉
千屯誰何而載肅銀漢左界玉繩西傾挈壺之漏屢移膝
席之對云罷方將疑神於夔護寧體於清閒靜慮合於希
夷嘉應通於所蠻俯及乙夜閱乎巖扃煥發靈光皎若白
晝乃有真靈降於霄極臚語示乎休徵將求衣而趨對忽
乘鸞而滅迹天子於是申以齋戒致其精明爰及獻歲發
春之初祇受大中祥符之錫九賓宿設親拜於廣庭八神
前驅奉引於黃道寘之恭館藏於東序乃復肆眚於縣寓
易號於初元惠賚浹於五管爵秩加乎羣后均合飲之澤
以尚齒推給復之典以貴農皇明誕敷純嘏均被繇是徇
東人之勤請考乾封之舊章將以陟介丘禱社首奉符而
行事刻號以告成揚二聖之休光爲天下之壯觀列城除
道有司講儀龜策告猶雲氣呈瑞宜象物之咸若後我后
以來蘇三神眷懷萬邦和會而靈心昭答元應沓臻以爲
庶人靡常猶畢星之好雨羣小多辟或夏蟲之疑冰雖况
施之殊倫輿情之成口猶復先甲而申告以儆于清衷方
將應期而紹至以彰乎絕瑞惟元年仲夏旣望之後夕上
復夢神人諭以諄諄之意期以來月錫符於泰山於是濬
發德音申儆執事有依類託寓之異當疾置飛馳以聞粵
勒鐘紀銘鑄渾叶度肇自初吉以及生明惟茲巖巖之峯
荐發穰穰之瑞祥光夜燭成十輝之委卿靄朝躋結九葩
之狀是月之六日也粵有梓匠晨詣靈液亭給斤斲之役

草露方渥人迹罕至忽得黃素於灌莽之上其文有皇帝
崇孝育民壽歷遐歲之言周章震駭魂思飛越亟白引進
使曹利用宣政使李神福卽其捧持以詣封禪經度制置
使臣欽若臣安仁緘膝載嚴騎置來獻皇上周旋欽翼夙
夜齋明醴粹內充典章兼舉命廊廟之元宰暨左右之信
臣分授使前奉導靈貺驛傳云至詔驛出迎羽衛星陳官
師景從弁冕端委親拜受於苑中元圖秘文復徧示於羣
下先是陰雲待族大雨濯枝需泥治道之是艱霑服廢禮
之爲懼是日也懸寓澄霽佳氣鬱葱杲杲之馭上躋光華
在且叢叢之姿迭媚紛郁垂文五弦之風載薰九光之霞
成綺神人胥悅戩穀來同矧乃繇叢之儀素已草具翠葆
之駕乃先啟行旣備物以吉蠲俾有司而翊衛載以威輅
入于應門星旄先驅金奏並作天子方復弭鸞旗而稅龍
馭撫瓊案而坐帷宮穆穆皇皇以俟夫元符之至也旣而
步自閭闔率先羣司納之殊庭是爲秘寶且復討論前載
追求遺範輝景下燭秦旣作時珍瑞云獲漢亦起宮其後
因軌迹而增崇建名稱而不朽者非可以悉數也乃詔魯
郡申飭攸司爰就靈區茂建清宇授規於哲匠董役以廷
臣樸斲前施墜塗咸備法大壯而取象曾不日以克成直
寒門□□之庭鎮阿閣神房之麓雲封岫起迴對於軒檐
泉流冽清載環於階城祗若天貺表以徽名旣而慎擇靈
辰揭之題榜乃有元鶴集于雕甍清映引之墜羽而去斯

又九臯之仙質千歲之純精挺胎化之姿告壽昌之兆者
也及夫親封泥檢載揚標燎降自陰道禪于方丘會朝明
堂肆覲東后靈澤及于四海神化馳于六幽天子乃撫節
盤桓憑軾游豫周爰溥覽以屈于茲瞻堂構以改容臨清
流而發歎金爐朱火修潛德以升聞羽蓋清塵彰健行之
不息旋軫飲至天成地平因時計功金相玉振且以爲古
之哲后褒紀瑞命方牘所施踵武可徵至若甘露黃龍標
於年歷芝房朱鴈播於樂章或作繪以彰施或緝經以論
著皆所以昭答報降垂示方來爰詔下臣頌茲微烈恭惟
紫書秘牒荐錫于玉晨福應之大者也靈宮真宇列峙于
垌野制作之盛者也非有遷雄之博物通達崔蔡之發篇

清麗鄒枚之論辨曹王之氣質又曷能敷陳景鑠述宣鴻
明著之金石之刻流乎億萬之祀如臣庸淺豈能演暢拜
命之下燥吻惟勤頌歎游揚雖豁於素蘊博約溫潤寧企
於前修伏紙怔忡將□□□銘曰太始權輿遂古之初結
繩而治斯文闕如三五迭興受命合祛河洛開奧乃出圖
書岐周發祥鳳止高岡火流於屋魚躍於航靈眷諄諄赤
文煌煌金策之賜翦殷啟疆卵刀□誤□□□秘圖元
契曠絕靡常惟皇建極與天合德有開必先神休叵測清
夜戒期聖容斯覲旭日朝躋真符云獲節彼崇巘天帝之
孫刺經定議發社闔口泉流忠涌和景晏溫□元申錫明
靈有赫雲篆騰晶水紈篋積殊類響答奇應山沓樵蒸禮

成蓼蕭慶洽邃宇翬飛揭榜雕楣建茲顯號式昭鴻禧
□□□翠旄揚旌福應之盛輝光在茲魯邦奕奕秦觀魏
巍封雲蒼蔚浪井漣漪巋然宏構永鎮方祇

大中祥符二年十一月十七日

右碑連額高一丈廣四尺四寸篆額題大宋天貺殿碑
六字徑四寸五分作二行文共三十二行行八十一字
行書徑八分碑立於大中祥符二年十一月蓋是封禪
禮成天貺殿竣工之後岱廟分上中下此碑在下廟碑
而立此則當時天貺殿亦必建於此其遺址不能確指
矣書碑者尹熙古大中祥符六年天齊仁聖帝碑亦熙
古書彼碑雄健此則行筆流麗惟結銜爲朝奉大夫國
子博士騎都尉彼碑則進階朝散大夫守司農少卿上
騎都尉矣

封東嶽天齊仁聖帝碑 篆額 行書

大中祥符六年六月

大宋東岳天齊仁聖帝碑銘 并序 翰林學士中散大夫

守尚書工部侍郎知制誥同修國史判昭文館事護軍南

安郡開國侯食邑一千五百戶食實封貳伯戶賜紫金魚

袋臣晁迥奉敕撰 翰林待詔朝散大夫守司農少卿同

正上騎都尉賜紫金魚袋臣尹熙古奉敕書并篆額

臣聞結粹爲山麗無疆之厚載升名曰嶽表奠服之崇邱
至若根一氣以混成媿四時而首出作鎮東夏實惟岱宗
辨乎五方設位冠配天之大畫爲八卦建標當出震之區
邃深連空洞之宮翕習號神霄之府夫其魁甲良象棍制
坤軸噫嶙嵒礪穹崇岩堯天門路界於鬱蒼日觀勢臨於
杲曜列仙遊迹存棲真之石閭永命儲休闕與齡之金篋

滋殖百卉函育庶類畜泄雷雨吐納風雲封之所以合元符登之所以小天下近綴梁社遠矚秦吳控壓海沂襟帶洙泗鄒人所仰魯邦是詹肇生物之化權蓋頤貞之壽域也古先哲后誕膺駿命披皇圖稽帝文告成功申大報昭姓考瑞刻石紀號自無懷氏迄唐明皇登封展采布在方策者罔不于茲矣開元十三年始封神曰天齊王禮秩加三公一等縣歷五代寂寥無聞爰暨皇朝勃興嘉運叶百姓與能之望應真人革命之秋太祖皇帝總擥英雄鞭撻宇宙勤勞四征削平多壘方混一於寰中太宗皇帝纂隆洪緒懋建皇極斟酌道德統和天人乃綏懷於海外然而艱難創業蘊蓄詒謀勒崇奮炎將底績而未暇開先遺大

知奕世而有歸粵惟崇文廣武感天尊道應真佑德欽明上聖仁孝皇帝陛下承鼎定之基格孟安之世顯仁以育物廣孝以奉先宣洽重熙財成庶政弭息戎旅撫柔要荒乘國步之密清宅天衷於醴粹因之以豐楙加之以阜康席慶宗廟之重游心帝王之術長轡遠御大道坦夷天衢於是乎嘉亨德教於是乎漸被戴日戴斗聿遵朝聘之期太平太蒙盡入車書之域垂衣在上擊壤任下得以疇咨俊茂博訪幽隱講求典禮包舉藝文接千歲之統可炳儀於封祀當萬物之盛宜昭告於神明然猶務謙尊而益光體健行而不息冲晦藏用淵默思道俄而天休震動上帝顧懷真籙滄臻靈心有擇總集峻命覺悟烝黎踰金簡玉字

之文等河圖洛書之寶承是秘檢發爲蕃釐霈澤開榮普
天受賜新建元之號易通邑之名茂昭降祥聳動羣聽是
時東土耆老奏闕廷以上書南司宰輔率官師以抗表願
循考古之道煥發升中之儀弗獲固辭乃徇勤請且以增
覆載之高厚揚祖宗之純懿也儲峙供億悉出於縣官經
啟營繕不煩於民力大中祥符元年冬十月其儀制嚴仗
衛陳屬御濟介丘齋心服形奉符行事羣司奔走百禮修
明集巉巖之巔凌顛英之氣壇壝清肅牲器純備玉幣式
叙樽彝在列奠獻克謹噉繹用張晏娛交三神之歡陟配
崇二聖之位舉燿火升高煙示瑤牘以環觀建雲臺而特
起社首之禮抑又次焉咸秩無文奉行故事朝會赦宥瀕

濡盥滌采輿誦求民瘼旌前列衍徽章參用王制著明
績大猷克集神實幽贊故自始及末見象口昭象氏之筆
殆不停輟則有非煙紛郁太陽晏溫仙芝無根菌蠢以含
秀醴泉無源滋涌而善利靈輝休氣嘉穀奇木鱗介之宗
長翔游之品類表異駢出曠代絕倫豈非受職修貢發祥
介福之徵乎人謂是山也崇冠羣嶽功侔造化斯不誣矣
國家稽虞書四巡之首原漢氏五祠之重述宣邦典中嚴
祭法奉正直聰明之德罄精虔嘉粟之誠爲民祈禱與國
均慶封巒之後復增懿號曰仁聖天齊王蓋以形容靈
舉褒崇之禮也名稱之義大矣哉化功生物之謂仁至神
妙用之謂聖登降顯赫亦云至矣復思嚴飾廟貌彰灼威

靈責大匠之職議惟新之制於是命使屬役協辰俾功庀
卒徒給材用興雲錡運風斤程土物以致期分國工而聘
藝規畫盡妙樂勸忘勞踰年而成不愆于素標宇加宏麗
之狀像設賁端莊之容凡所對越肅恭逾三四年春舉汾
陰后土之祀成天地合谷之禮憲章明備上下文感純嘏
既錫大賚施及圓首方足式歌且舞猗歟順動焜煌
景鏘而皆擬聖明之述作從英茂以飛騰灼叙慶靈奉揚
殊貺紀諸盛節悉以命篇布日星之華麗垂兩之潤並刊
鳳藻散綺龜趺播洋溢之頌聲垂極蟠之能事而志求
罔順拜隆廟象妙之門廣列真之宇非止卜永年
鄒是將納雅俗于華胥者也又以六一五佐本

五鎮本乎地其位參兩鴻名可齊特尊列嶽咸加帝號由
是亦引泰山之神曰天齊仁聖帝乃命案馳道之東偏直
宸居之異位闢地經始別建五嶽帝宮以申崇尚之禮焉
御製奉神述詔中書召侍從之臣諭以制作之本意觀夫
聖文之梗槩以爲岱鎮之大輔于柔祗動植之所蕃息泉
源之所滋液至靈允宅陰陽攸司鍾馥穀而有徵繫黎元
之是賴舊史具載前王式瞻著冊府之典嚴祠祀之禮增
奉邑之數申樵蘇之禁皆以仰不測之明威顯無方之妙
迹也方今兵革偃戢華夷會同歲獲順成物無疵癘率由
丕應真助永圖固當稽彼前聞進其尊稱謂乎唐虞曰帝
商周曰王夫商周之王爵人臣而有素唐虞之帝奉神道

而何疑况其容衛等威冠裳制度極微數以宿備宜各體以相符因而成之禮無違者願延景祐普及含生至乎哉鼓動睿辭無私廣大坦然明白之理沛然利澤之德曲成司牧俾臻富壽有以見聖人之情矣遂志勒石徧立于五嶽廟庭從近臣之議也是歲冬並命使介分詣諸嶽定吉日飭有司皇帝被法服御朝元殿禮行樂作而臨遣之持節受冊袞冕相繼次叙而出觀者如堵且歎文物聲明之盛未嘗有也使者奉詔訖事率叶素期於穆宏觀負超千古矣越明年詔五臣撰辭各建碑于嶽廟而臣浸漬皇澤涵泳清微偶集鳧雁之行遂應龍鳳之署預承綸旨疆蕪蕪音曷勝眷獎上以慶幸宣明盛禮叨奉冊於秦城潤

貞珉玷彌文於魯嶽荷輝榮之稠疊愧才學之空虛燥吻濡毫謹爲銘曰節彼泰山蟠亘大東一氣凝神五嶽推雄勢并鳧繹秀出龜蒙崛起海表目爲天中高摩霄極俯瞰勝谷神策斯秘昌圖可卜物性鍾仁民居獲福魯邦是常盛德在木百靈淵府三宮洞天稷丘真隱芝童列仙白鹿方駕飛龍命篇宅其勝境幾乎大年嶽長曰宗歲交曰岱仰止巉巖莫茲持載壽域旣優神聰有資禱祀誕隆寅異如在于載輿運八絃開基武功盪定文教緝熙封禪得典祖宗制宜逮夫聖嗣方畢宏規惟帝奉符惟神佑德茂績其凝皇猷允塞嘉應杳臻鴻禎靡測芘芘豐衍元元滋息於赫靈廟控帶名區有詔改作俾受金模協心董役豐資

叱徒技殫功倍雷動星敷大厦成新羣黎改觀祥霖靚深
崢嶸輪奐肅穆威容潔清几案欽修允宜於蟹攸贊功懋
大作澤從雲游式譜民望詔報神休殊號斯薦前古匪儔
庶安億兆豈止懷柔天帝之孫復升以帝出乎震宮臨乎
日際事固莫京理亦潛契樹此翠碑騰芳百世 大中祥
符六年歲次癸丑六月辛酉朔十四日甲戌建 中書省
玉册官御書院祇候潘進并謝望之刻

右碑連額高二丈一尺廣六尺二寸篆額題曰大宋東
岳天齊仁聖帝碑十字二行徑五寸碑文行書三十四
行行八十字徑寸二分在岱廟大門內西墀紫金山左金
石志云此碑撰文者晁迥未史傳於大中祥符六年以
前但叙其由右諫議大夫進翰林學士知審官院同修
國史封泰山祀汾陰司太常詳定儀注累遷尚書工部
侍郎而未及其判昭文館事又奉敕撰文及碑所
云宜明盛禮奉册泰城傳亦失載皆可補史闕也

功德頂 忠範等題名

正書 在靈巖功
德頂石龕佛座上

天禧五年

尊勝經幢

正書 在靈
巖北塔院

天聖三年

靈巖寺杜堯臣詩刻

正書 在
御書閣

天聖口年

种明逸會真宮詩

在岱廟
久佚

种明逸會真宮詩題跋二石

各體書 在岱廟
環跡亭東西壁間

寶元等年

胡宗回觀子義修

正書 翰林學士李宗諤曾看
行 余向游西

洛訪號崇真張大師白於嵩陽山齋愛其幽寂欵留數日

因語及余有泰山之遊遂出神明逸題會真詩筆一軸授
予曰隱君昔書此詩畱吾山齋子其因往可為模石于泰
山乎嘗然其請後到絳數載慵於登涉未能副深託之意
且會真在皇上未封祀前有太平之號至回蹕始賜今額
而隱君之詩周旋氣槩分明物象蓋嘗陪祀于此得其詳
矣觀其筆勢壯重辭意脫灑實一代無擬倫耳紙尾復數
君題名又可尚也它日模刻翠珉畱藏真館為天下之觀
耶稷山逸民韓退題後行書李孝昌伯衍觀正書集賢按理宋
緩覽行書山人林逋題正書曼卿秘演觀寶元二年正月廿五
日正書邵餽履觀分書唐異行書慶歷二年正月四日武功蘇子
美觀行書兩江方元煥觀行書海岳黃有觀行書嘉靖丙午謁岱

廟得觀先文正題墨有感濟大夫惟一識正書錢唐詹山覽

行書玉峯王珍觀正書古杭李奎觀正書權監東嶽廟濟人程正

觀行書嘉靖十九年四月陳仲錄觀正書魏閑覽大諫詩筆因

題絕句文如吐鳳筆如龍珍重華箋墨尚濃清氣已銷名

迹在世間誰復繼仙翁草堂東牖題草書古吳周同觀正書姑

蘇端口觀指書嘉靖丁酉春膠東李學博觀行書高平范仲淹

題正書關詠清風樓覽行書嘉靖元年三月七日衢方豪獲觀

正書斯書冠世入妙千古亡對所謂盡美耶慶歷六年四月廿

七日越題草書杭詹山閣行書筆勢精麗真墨寶也殊可愛可

愛才翁書草書皇祐元年夏王洙觀飛白筆力勁健歎愛無已

皇祐甲午年季口識草書古杭李奎閱行書平湖百歲翁陸卿

印同濤渭兩孫閱正書永豐歐陽修正書嘉祐五年三月四日

莆陽蔡襄閱正書襄復觀飛白戊戌孟秋琴川蘇祖蔭觀正書程

勸識正書兩泉劉一桂分書口入江口口同觀行書蘇臺周同閱

行平度李學詩觀正書宛陵梅堯臣覽分書韓琦觀正書沈遵文

通觀正書萊人藍田玉父分書越人陳仲錄覽分書姑蘇口口覽

行宣城施閏章觀正書吳郡張伯玉恭覽行書戊戌孟夏蘇祖

蔭觀楷書廣淵嘗看正書不疑觀篆書莆王正之行書無為楊傑觀

分明逸先生詩筆因進士譚述家藏出示予作詩題于後

大梁皇甫邁先生清氣已朝元流落精英萬古尊習習仙

風人不覺瑤華瓊草本無根行書徐端朝孫簡王仲康伏覽

元符庚辰重陽日行書熙寧辛亥春蹠游長安謁李先生不

祐因與蹠論書遂出大諫种先生紀泰山會真詩墨蹟一

軸俾蒙閱之卷後有鉅卿顯人親題之蹟復為留詩甚衆

愛其筆勢真工道麗懇借臨模藏諸口口屢欲鑿石流置

四方忽忽莫能如吾意丙辰年侍家君官邑之權首訪是

官窮覽梁壁間獨無此詩因語主宮王君希顯且先生盛

德與大名猶口口之煥太清而爛然國史暴聞於天下者

久矣固不復言也其詞翰雄逸世未多有人或罕見慮其

擬本歲久湮滅茲可惜哉日願刻石以信永永口傳於不

磨也子其為摸勒毋辭固可其請未涉月而工告畢即龕

於齋廳之西壁益見先生樂推君美而難乎主宮之勤顯

其賢也如是讀其詩則其人之所存可知耳十年歲丁巳月丙午日壬戌虞延譚述叙龐綬之刊書正東海朱孝純觀

篆書

右刻各體書成備錯綜大小不一自胡宗回起至方家獲觀為一石自斯書冠世起至孝純觀止為一石分嵌岱廟環咏亭東西二壁間高一尺八寸廣三尺五寸案會真宮舊名奉高宮大中祥符間駐蹕處也帝享昊天上帝于山上圓臺慶雲繞壇月有黃輝禪祭皇地祇於社首天宇澄霽紫氣蒙壇法駕還奉高宮日重輪五色雲見瑞祥畢集大禮慶成詔以太山奉高宮日會真種放會真宮詩刻即其事也詩石其亡已久宮後改太山書院塑天地諸神象萬歷甲子八月柱內火作殿宇畢燼神之原石詩刻大約燬于是時焉

泰山書院記

正書 石介撰 在三賢祠今佚

康定元年七月

自周以上觀之賢人之達者泉陶傳說伊尹呂望石公

公是也自周以下觀之賢人之窮者孟子揚子文中子吏部是也然較其功業德行窮不必易達吏部後三百年賢人之窮者又有泰山先生孟子揚子文中子吏部皆以其道授弟子既授弟子復傳之於書其書大行其道大耀先生亦以其道授弟子既授之弟子亦將傳之於書將使其書大行其道大耀乃於泰山之陽起學舍構堂聚先聖之書滿屋與羣弟子而居之當時從遊之貴者孟子則有梁惠王齊宣王滕文公之屬揚則有劉歆桓譚之屬文中子則有越公之屬吏部則有裴晉公鄭相國張僕射之屬門人之高弟者孟則有萬章公孫丑樂克之徒揚則有侯芭劉棻之徒文中子則有董常程元薛收李靖杜如晦房魏

之徒吏部則有李觀李翱李漢張籍皇甫湜之徒今先生
遊從之貴者故王沂公蔡貳卿李泰州孔中丞今李丞相
范經略明子京張安道士熙道士擇之門人之高弟者石
介劉牧姜潛張洞李蘊足以相望於千百年之間矣孰謂
先生窮乎大哉聖賢之道無屯泰孟子揚子文中子吏部
皆屯於無位與小官而孟子泰於七篇揚子泰於法言太
元文中子泰於續經中說吏部泰於原道論佛骨表十餘
萬言先生嘗以謂盡孔子之心者大易盡孔子之用者春
秋是二大經聖人之極筆也治世之大法也故作易說六
十四篇春秋尊王發微十七卷疑四凶之不去十六相之
不舉故作堯權防後世之篡奪諸侯之僭逼故作舜制辨

注家之誤正世子之名故作正名解美出處之得明傳
之嫡故作四皓論先生述作上宗周孔下擬韓孟是亦為
泰先生孰少之哉介樂先生之道大先生之為請以此說
刊之石陷於講堂之西壁康定元年七月十八日記

右碑在嶽西南麓今名三賢祠內正書其佚已久

石氏先塋紀篆額 石介自撰 士建中正 在祖來之陰汶河東岸

康定二年八月

慶歷殘刻正書 在 山南麓東 岳廟故址 燔竿石側

慶歷六年

巡歷屬部青帝觀留題詩正書 在青帝觀 大寶造象之陰

皇祐四年三月

巡歷屬部遊青帝觀留題

轉運使尚書工部郎中宋禧

按部到天孫因過清靜軒山光覆雲蓋石罅送松根危磴
關河路遠林桑柘村閑邀羽人話洞究五千言皇祐四年
三月二十二日題

青帝觀主賜紫道士郭永昌

朝奉郎守殿中丞知縣兼兵馬都監及管勾宮廟公事賜

緋魚袋張周同至立石 朱演刊

宋禧題名 正書 在岱岳觀
造象碑石蓋上

皇祐四年三月

李陟題名 正書 在岱岳觀
造象碑石蓋上

皇祐四年五月

李若清等題名 正書左讀 在王
母池二門內牆根

皇祐四年四月

山左金石志云案泰安縣志載龐歸蒙題名從右讀今
驗碑首行是年月記以下由掌文籍至道正皆道職之
由小及大者以是知當從左讀則道職由大及小次叙
為順而大記年月於題名之格亦合也既定為左讀則
標題當以首一人道正賜紫李若清為
倡右龐歸蒙列名在末不宜居首矣

郭聖澤題名 正書左讀 在靈巖寺
後后土殿東嵌牆內

嘉祐元年十月

郭聖澤因設水陸到此丙申孟冬十七日題男口侍行

右題名三行從左讀正書兼行體大者徑寸許法清勁
案山左金石志云題名但有丙申而無年
何代以臆度之靈巖寺初建於後魏正光
重修自是鼎盛每歲千里居民老幼匍匐而來散財施

寶惟恐不及歲入數千緡齋粥之餘羨盈積多道場之
盛如郭聖澤父子雖未有攷而水陸齋會宋時盛行
玩其筆踪上不類隋唐下亦不類金元以之入宋較為
近之仁宗嘉祐元年為丙申歲此石既在靈巖則設水
陸即在寺中郭氏父子攬勝題名事
佛應有此附錄存列于嘉祐元年

靈巖建辟支塔題名十石 正書 在塔上牆間

嘉祐二年三月

右辟支塔題名十石各高一尺八寸五分廣二尺二寸
正書徑五分塔在靈巖寺西北磚砌九級高約數丈有
級可登

朱文藻曰辟支者釋氏要覽云梵云辟勒支底迦唐言
獨行也翻譯名義集作畢勒支底迦辟與畢聲近而異
也其以辟支名佛者見水經注云于闐國刹利寺有石
碑石上有辟支佛足跡又西陽雜俎云于闐國贊摩
寺有辟支佛碑此以辟支名塔者殆塔上供辟支佛也
靈巖寺辟支塔稽之長清縣志不詳其興建之由即宋
張亮重修寺記亦祇云辟支塔從古制而不言定曰何
年以臆度之蓋亦魏正光中法定禪師所建也宋京師

中主僧寶環修寺而不修塔至嘉祐二年乃合眾力
修塔之舉而因有此題名也題名十石所載男婦子女
約三千人其州縣鄉村寨社之名可備志乘茲錄所載
各社有社頭社官社長社政社司社錄社副社奉副
社舉點檢勾當知客都排副都排諸名目而敬者為社
人不知此等是在官者抑是私舉者因憶昔讀三
盟會編於靖康年間頃有山東寨主結連鄉兵各
社抵禦金兵者要皆社官等之後效也當時行
遠連郡縣有所謂十人頭百人頭千人頭者碑載
人皆是助錢修塔姓名不詳所助若干獨夏津縣李
沖夫婦各施石二尺大書特書碑為修塔而刻而亦兼
及鑄鐵人鐵釘之事玉篇銑送死人之具也此鐵釘不
知是何器而與鐵人同鑄又值修塔之時或即塔前供
用之器然不詳其重若干計碑中載施鐵之數則趙金
捨鐵五斤趙政施鐵三十斤陳元捨鐵五斤凡鐵四十
五斤不知八事之重祇此抑或尚有施鐵人而不備書
耶又不可解者修塔助緣皆屬河北山東而捨鐵鑄器
獨遠及於淮南楚州寶應人何也助緣之人市戶最多
想是市易之行戶居官者惟靖順之一人登仕郎官封
州司理參軍也又有鄉貢進士一人鄉貢學究一人處
士一人其稱調之別者有男弟子一人鄉貢學究一人處
善薩雷將軍雷者名其女為哥為兒者書其父名為十

郎者稱其母為大娘又有稱三母者又今俗稱祖母為
婆外祖母為外婆妻母為丈母師之妻為師母並見此
碑其姓之少見者則有司馬或皇庖似封商索劇苑曲
間夾鳳葺刑蹇栗竹俗榮東其稱謂之異文則女婿
為女妹外甥為甥孫女為大姨子三鄰子而以甥字
命名者二人一是傳媳一是其婿子三鄰子而以甥字
人名宋有劉坤而不著出於何書今又見泰山岱廟有
鐵桶建中靖國元年所鑄題名有樊坤與此皆北宋人
則劉坤要亦與此同時不遠也

靈巖千佛殿碑并陰

正書 在大殿東

嘉祐六年六月

齊州靈巖寺千佛殿記

朝散大夫尚書工部郎中提舉

管勾兗州仙源縣景靈宮太極觀公事護軍賜紫金魚袋

王達撰

京兆府普淨禪院賜紫沙門神俊書并題額

釋典謂昔有金人生西方同名號者踰乎千百萬億則了

空以成道者非不廣矣自白馬來東土建寺院者

百千萬所則示形出相以化人者非不多矣其間烜赫

中夏輝映諸藍得四絕之偉者則有荆之玉泉潤之栖霞

台之國清泊茲靈巖是也案地志後魏正光中有僧濃定

者倡首撥土以興焉炎宋景德歲始賜此額噫絕之騖且

有四種義不越乎高倚青山俯臨寒泉茂林修竹馱慮戶

牖奇花異石羅列庭楹或景趣果如是則為地望之絕也

豈忝矣至若黃金塗像碧瓦凌空迴廊大殿瑩然塵外層

樓峻塔倬彼霄際儻締構果如是則為莊嚴之絕也不誣

矣又若千里輻輳羣類子來珍貨希寶口向喜捨香頂艾

臂男女日至耐誘掖果如是則為供施之絕也誠難矣設

若割慈父母脫躡口孳貌漸心頓相本生滅表動內寂洞
徹正覺篤行願果如是則為精進之絕也真奇矣矧其左
有泰山岫岫與天為鄰生物則灑天下之雨告瑞則吐封
中之雲持陽和啟蟄之柄膺覆燾司命之神如先帝泥金
檢玉者七口二口口右則有洪河渾渾厚地偕奔葱嶺馬
頰雷驚電飀迥貫銀漢之浪險經禹鑿之門遇本朝口年
口清者有上中下源其前則有鄒魯大國洙泗鉅防闡君
臣父子之教闡仁義禮樂之鄉循之者昌悖之者亡其後
則燕趙二禦山川四馳限爾戎狄壯斯藩籬自甲冑之
之息俾士庶羊馬之肥歡好爰結恩威口綏口其
則既如此談其封略也復如彼則千佛中處應大

其宜矣加之野有良田可以封萬戶口有華屋可以蔭萬
夫帑有羨資可以蘇萬民僧有方便可以化萬心不甚盛
與神宗皇帝章聖皇帝悉以御書為錫命焉皇帝陛下降
以御篆飛白以嗣之厥後有僧瓊環者次第以輪奐焉其
如土木之華繪塑之美泉石之麗草木之秀森森然暮布
前後遠者咸以耳聞之近者咸以目擊之于千佛之旨何
啻乎形影之外譬喻其口邈也善相萬萬明矣故略而不
述也僕被詔司泰寧軍宮觀下車伊邇有住持賜紫僧重
淨貽書請識因用直書以塞其顛也時庚子年春王三月
望日記

嘉祐六年辛丑歲六月望日景德靈巖寺住持講經賜紫

沙門重淨建立 真定府郭慶郭庠鑄字

右碑高七尺二寸寬三尺五寸字二十三行行四十二字正書字徑寸二分額字正書徑六寸在靈巖大殿之右東向有陰書施錢人名并有職掌僧眾共字二十七行行五十餘字徑六分正書其上有元祐及靖康中題名二首

張揆題靈巖寺詩 正書 巖殿舟殿

龍圖閣直學士尙書兵部郎中充真定府路都部署兼安撫使知成德軍府事張揆 再見祇園樹流光二十年依然山水地况是雪霜天閣影移寒日鐘聲出暝烟粗官奔走苦一宿亦前緣 嘉祐六年辛丑歲七月一日齊州靈巖寺主講經賜紫沙門重淨上石 京兆府普淨賜紫僧神俊書 真定府郭慶刊字

右碑高二尺八寸廣一尺五寸詩字徑二寸前後題銜欸識字徑五分並正書端整完好可讀詩云再見祇園樹流光二十年以宋史張揆傳證之當是明道中知萊州掖縣時到此也其作此詩是赴成德軍時過此雷題年已六十七矣詩作於寒冬碑刻於七月則詩為嘉祐六年以前所作寺僧檢出進刻之耳

白龍池諸人題名三十一首 正書三十首 篆書一首

治平等年

入內供奉官李舜舉被命禱祀帝嶽奉香勝槩於壽聖節日先欸青帝宮次詣白龍潭治平四年題書吏李恭從行兗州劉袞奉詔祈雪於岱宗登絕頂翌日謁白龍池之祠元祐丁卯孟春初四日奉符令林會題 貫道建欄於此以便遊者元祐丁卯正月八日 范陽正輔再遊同魯國景元至丁丑三月廿六日 元符庚辰七月晦趙習之

徐安國弟居仁孫正中同遊左皇甫偁徐端朝孫櫛同

遊建中靖曆元年三月廿六日題左奉符令李珪因捕

蝗恭謁白龍祠男彙侍行崇寧壬午孟秋初七日左誠

中君寶德升崇寧二年八月廿六日自王母池來訪此左

董元康政和甲午重九日攜家來遊質贖資侍行自

恭觀元康兄留字政和乙未孟冬二十日左莆陽陳國

瑞子玉恭謁白龍池祠俯洞酌泉小憩而邁政和丁酉夏

前二日姜子正子方李晉道劉言可才文叔同來庚子

四月左李顯道張公仲與張去塵庚子孟夏十九

日同遊池上左鄆城李儂弟俊侄贛隨侍遊此癸卯季

春廿八日張子觀水於池十三年春三月左篆書左讀以

府管稻景華邑尉安中立遊白龍池熙寧甲寅三月二

十一日題左元祐二年孟春之初晁補之及之觀岱宗

遺跡謁白龍祠俄頃山市變幻奇遇也故志之山陽龔

無黨被漕檄權宰奉高因率兒侄輩遊此時元祐庚午仲

冬十一日米芾觀汴陽无永居士任紹承祖朝嶽罷

同青帝觀主楊若冲遊太平頂回瞻視白龍池勝跡時大

宋紹聖三年二月十五日謹記范陽正輔遊岱宗訪此

時丁丑正月既望題德充忠玉國寶文仲紹聖丁丑三

月九日左韓存中點檢嶽祠修造同王濟之一遊庚辰

十月廿七日左元符三年十月一日奉高人石匠呂仝

周道同遊古豐任良孫嵩同陪古沛邵禮同遊建中靖

國元年季春仲旬書 長清董元康弟元發元濟元肅男
 質友人李勝之同遊崇寧元年壬午季春旦日新監海門
 稅董直書 清邑劉純叔同李無悔崇寧癸未四月二十
 五日遊此 政和甲午仲秋七日東明劉子晉鄆城李冲
 季遊白龍潭觀百丈崖還憩於此左 政和乙未口口
 七日來遊白龍池上偕普濟范顯道鄧公序錢無咎孟世
 夫党子山劉子榮劉和仲宋正之張子祥張子明閻傑之
 郝伯洪 政和乙未季春十八日遊白龍池上偕普濟侯
 口始范顯道南陽鄧公序臨安錢無咎馬翊党子山平昌
 世達中山劉子容山人劉和仲宋正之張子祥張子明閻
 傑之鹿珍郝伯洪 長清董自恭謁白龍池之祠罷酌泉

石上將乙未冬中澣日左

金石文字記云岳西傲來峯下白龍池石壁上平廣計
 二十餘丈書曰龍潭曰白龍池並大字其旁皆宋人題
 名尚未刊缺錄之得十五首其文略無重複自治平迄
 宣和六十年間人名字亦可以想見當日太平之盛而
 委之榛莽無復有題名者矣
 又云張子觀水于池象書張字作弅案劉原父范仲醫
 銘釋詁為張以爲張仲之器歐陽永叔從之趙德父金
 石錄疑之黃長睿東觀餘論則云弅其勿反非張字考
 之玉篇信然然此云弅子則為張子無疑蓋宋人之好
 奇者攬劉原父永叔所定之字而用之耳宣和博古圖
 亦有周弅伯匪此條篆字大書無年號案宋朝紀元無
 有至十三年者若曰金元又不
 合一代全無題名止此一人也
 右刻均在白龍池雙崖對峙南曰三元石北曰元圭石
 宋人題刻殆遍顧氏所采十五首皆在北崖之陽顯
 易見者近年錢唐江風舞復搜得正書十六首均在南
 崖之陰幽暗陡險游跡罕至自熙寧迄政和內無年月
 者三首顧氏得十五首今又遇之亦可見金石尋求必
 由好古者親歷其地扶苔剔蘚而得之但憑工人摹拓

所及往往十夫
五六是可慨矣

張揆送靈巖寺主二詩刻正書 在靈巖
山神廟南壁

熙寧二年三月 三年九月

詩送新靈巖寺主義公上人 龍圖閣直學士尚書工部

侍郎羣牧使張揆上

峩峩日觀出雲層西麓靈庵寄佛乘金地闕人安大衆玉

京選士得高僧霜刀斷腕羣魔伏鈿軸存心與義增願我

舊山泉石美前除諸惡賴賢能 熙寧二年己酉歲甲元

日

詩送敕差靈巖寺主大師詳公赴寺 朝散大夫尚書

戶部侍郎致仕張揆上

黃紙除書下九天岱宗西麓鎮金田鷺峯肅肅臻多士商

社熙熙撫衆賢像室光華輝曉日禪心清淨擢秋選山泉

自此增高潔雲集十方結勝緣 熙寧三年白虎直歲九

月十三日

山左金石志云宋史張揆傳揆舉進士知益都縣明道

中知掖縣通判永興軍爲集賢校理四遷爲龍圖閣直

學士知成德軍入判太常司農寺累官戶部侍郎致仕

熙寧七年卒年八十以此計之則當熙寧二年三年

年已七十五也第二首送詳公詩是已致仕時作第

一首送義公詩尙是居官時作而工部侍郎羣牧使則

傳所不載詳公詩尙是居官時作而工部侍郎羣牧使則

此碑濟南志長清縣志祗載張揆五律一首不收此

二詩仙釋卷又不爲義公

詳公立傳故事蹟無攷

朝賢送詳禪師住持靈巖詩刻正書行書 在靈
巖般舟殿大門外

熙寧三年八月

詩送靈巖法師 安石

靈巖開闢自何年草木神奇鳥獸仙一路紫苔通窈窕千
崖青靄落潺湲山祇嘯聚荒禪室象衆低摧想法筵雪足
莫辞重趺往東人香火有因緣

詩送靈巖法師 充

戰士長戈赴荔原謀臣獻策廟堂間吾師側儻浮屠隱不
事三侯事經論兩街推許住靈巖百鳥銜花待師信清風
一振海潮音曠劫曾蒙祖師印窮秋別我願何言珍重許
師指一彈

詩送詳禪師住靈巖 尚書司封員外郎直史館同
居注直舍人院兼同知審官東院蔡延慶

靈巖川上白雲深十里青松晝自陰遠寺幽佳傳已古名
山勝絕冠于今羣峯環翠凝秋色危壁飛泉瀉暮音此景
去爲風月主五湖應不起歸心

詩送靈巖道光大師 尚書祠部郎中新知饒州蔡冠卿
僧讀儒書舉世稀惟師精學出塵機上都香火安禪久東
國林泉徇衆歸道在莫從形相索身間都覺利名非靈巖
到日秋應晚還寫新詩遍翠微

熙寧庚戌仲秋十六日元輔

清晨叩 條然振 榮帶生 不待春 聽法來 安隱

誰 師得向 莫鑱溪雲 奉送 清晨門 程自說

度羣生 痿羸口 北山宅

右碑連額高三尺二寸廣一尺九寸額題宋朝賢贈行詩六字正書徑三寸分三行詩四首參錯書之字或正或行或大或小皆為送靈巖法師詳公而作亦有稱道光者書款有單稱名者曰安石曰充有兼官銜者則蔡延慶蔡冠卿二人冠卿詩後一行上題年月下署元輔不知卽冠卿之字抑別是一人也下節有字十四行每行存二三四字殘闕難讀案詳公事蹟志乘不載觀諸人之詩是奉敕任靈巖而朝賢贈詩以寵其行也張探詩獨為一碑此則諸公合為一碑安石不書姓當卽是沂公是時正參政也充無姓攷其時有俞充者字公達鄆人官都水丞或卽其人宋史傳稱茂州羌寇邊充上策禦戎神宗納之蓋是喜言兵事者故其詩首言戰十長戈赴蕩原謀臣獻冊廟堂間也兩街推許者釋氏有左街右街為兩街猶言東序西序也

敕賜十方靈巖寺牒碑

正書額 正書 在靈巖天王殿神像後下截埋神座中

熙寧三年 月

敕賜十方靈巖寺牒碑

中書門下牒 開封府奏先准中書劄子京東轉運司奏

據齊州申准開封府牒據僧永義狀經府披訴情願下送

供人施利至多諸處浮浪聚集兼本寺莊田不少全藉有

心力僧人住持主管今訪聞得僧下切辨認覺察止絕浮

浪之人不得彼處聚集去訖伏乞朝廷下左右街僧司別

選差有德行心下寺院住持勾當所貴同心協力住得山

門伏候敕旨奉聖旨依奏劄付開封府尋劄付左下僧司

結罪保明申府迴據左右街僧錄智林等狀申智林等依

前項府劄子內中書劄子內下當住持及取到本院主監

文保明行詳有行止稍有心力卽日別無過犯委是得人

詣實結罪下得上命指揮差本僧訖却令指摘別具狀申

上次乞指揮府司尋出給公據付僧行詳收執仰下掌事

依十方寺院住持勾當具寺院法名申僧司令申府仍立
便起發前去至齊州住持靈巖下去充本寺掌事具寺院

法名申府便發遣僧行詳等起發前去往彼住持齊州靈
巖寺至今左下詳近蒙僧錄司選定依准錄降聖旨指揮

保明住持齊州靈巖寺行詳屬以衰老多病已下據僧錄
司保明定差令指摘掌事僧五七人前去行詳既承上命

敦遣固亦不敢辭避輒有誠下綱紀今既再煩聖旨選差
則與州郡差請特異伏見潤州金山寺每差住持人並從

朝廷特下去所貴有以彈服遠人廢寺易為興葺積集功
德上贊聖祚行詳竊聞靈巖寺舊是甲下乙住持創新降

敕改為十方勅語內謂言院中受業徒弟並不得作知事
勾當欲乞據此體例下七次住持不得雖今來許下指

掌事僧五七人亦慮難為照顧行詳欲乞特度隨身童行
十下缺

牒奉敕行詳依奏宜差充齊州下不得差作知事勾當所
乞下敕故牒 熙寧下右諫議大夫參知政事王

真行兼之字徑三四寸不等其末官銜二列字體扁甚
王字下有押少偏韓字下一假字字偏而小額高二尺

寬一尺三寸五分字徑五寸正書下截為天
王像座掩埋在靈巖寺二門內之左西向

山左金石志云兩參政之名以宋史宰相表攷之熙寧
二年二月庚子王安石自翰林學士工部侍郎兼侍講
除右諫議大夫參知政事三年四月己卯韓絳自樞密
副使除兼參知政事是年十二月兩公皆同平章事矣

此碑但存熙寧二字攷其立碑當在三年四月以後十
二月以前也然據碑韓公是吏部侍郎參知政事宰輔
表則韓絳於治平四年神宗即位之初自三司使吏部
侍郎除樞密副使是熙寧三年韓參政祗官樞密副使
而非吏部侍郎矣碑與表異
或史有誤文宜據碑證之

李忠信墓表

正書 姜潛撰
在城西南鄉

熙寧五年八月

韋驥等石柱題名

行書 在靈
巖韋馱殿

熙寧六年十月

祕書丞韋驥著作佐郎張諤衢州判官楊于從諫院舍人

鄧公察訪東州便道遊靈巖過夜遂宿熙寧六年十月中

休

右題名左讀分五行行書徑二寸案韋驥本名讓避濮
王諱改名驥字子錢塘人皇祐五年登第元符初累

院舍人鄧公者攷宋史鄧潤甫傳潤甫字溫伯霽昌人
熙寧中除集賢校理直舍人院收知諫院當即其人又
據神宗本紀熙寧五年閏七月遣中書檢正官章惇察
訪荆湖北路而六年十月京東路察訪之使本紀不書
中休本張衡賦速燭龍兮令執炬過鍾山而中休謂過
宿靈巖而中休也

王紳題名

正書 在奈河
將軍廟碑陰

熙寧七年八月

再謁靈派神祠請雨故也熙寧甲寅秋八月右璫王紳袞

僖父題

右題名方廣尺許字五行行五字正書徑寸五分在漆
河將軍廟天福六年劉光度碑陰首言再謁神祠則已
前會來而未刻或有年久而缺佚也甲寅為熙寧七
年本紀載是年二月禱雨三月以旱避殿減膳四月以
旱罷方田七月詔河北兩路捕蝗九月戊戌以時雨降
勸民趨耕可知是年旱災為已甚矣碑云八月再謁神

祠則二三月以來之請
雨自可推測而知也

馬熙題名

正書 左讀在
山頂碧霞祠西

熙寧八年二月

新兗守尚書外郎馬熙自仙源來謁帝祠是日登嶽徧遊
東西絕頂新宿州掌嶽掾林會從大宋熙寧八年二月二
十四日

右磨崖高廣一尺許題名
七行左讀正

蘇子由題靈巖寺詩并跋

正書 在
靈巖今佚

元豐二年正月

高里山相公廟新剏長脚竿記

篆額
正書

胡元資撰
在高里山相公廟

大門
左

元豐三年三月

東嶽高里山相公廟新剏長脚竿記

兗之奉高北有岱山焉迺天下之巨鎮也尊之曰東嶽神
卽天齊仁聖帝也自秦漢而下泐巨唐逮我大朝封禪之
禮備焉廟貌威崇殿宇顯敞一如上方制度俾至者加其
恭肅噫聰明正直神之德也福善禍淫神之職也幽而罔
測顯而有靈則四方之民咸歸仰之在帝廟之西有高里
山之祠卽聖帝輔相之神也其廟號本漢封爵也領袖羣
司掌判陰籍光載祀典靈威不泯今有古沛張平者卽長
河之舟賈也迺集社聚縉歲賽於祠下覩其神像虔啟願
心立長竿於廟庭由是選梓木以爲之材礱翠口以爲之

硤聳而上直表著其壇功畢告成故書其始刻之於石以永其傳時 大宋元豐三年庚申歲三月 泗州船戶同糺首王政男欽 徐州沛縣雷城鎮都糺首張平立石 東平進士胡元資撰 徐民裴魯書 將仕郎守東嶽令口守德篆額 張希白刻

右碑高四尺二寸闊一尺九寸上下二層上刻胡元資記字十八行行二十字正書字徑五分額字徑二寸三分古籀書下層刻修齋建醮之記多徐州諸處船戶姓名字甚小剝蝕不能卒讀

盛陶詩刻 正書 在靈巖御書閣

元豐三年十月

李公顏金像記 正書 在靈巖御書閣

元豐三年十月

治平中家君判官還口永嘉道過錢塘僧惠從來告曰盧舍金像成矣欲歸齊之靈巖而未有託也願附舟而北家君從之後十五年余口其寺徘徊瞻仰因識其事元豐庚申孟冬李公顏才甫題

右碑高一尺五寸廣二尺前半為李公顏所題正書七行後半為明人方豪所題行書九行佳僧刊字題名于末

靈巖道境四大字 飛白書 王臨書 在崇興橋碑陰

元豐三年

右四字飛白書徑二尺分二行其左題云元豐庚申尚書兵部郎中直昭文館知軍州事上柱國王臨擅筆二十字此云擅筆所未詳也王臨字大觀大名成安人起進士元豐初自皇城使擢兵部郎中直昭文館知齊州因題此字

泰山志卷十六

Blank columns for text.

25087

